

紫硤山人沈天用著

淳朴園稿

本衙藏板




國家圖書館 NATIONAL CENTRAL LIBRARY, TAIWAN, R.O.C.



淳朴園藁序



予時將有兩廣之役僕
夫已戒途而沈子天用
泝江相送且出其衷中



藁進曰此業成實貽門
牆羞門牆之內皆學術
次事功惡用此無何有
之業爲予曰果無何有

耶則真學術也真事功
也子見我生平諄諄爾
子見我生平僕僕爾以
爲有何有乎以爲無何

有乎子今日爲詩若歌
以贈我行以爲有何有
乎以爲無何有乎李杜
詩章李杜學術也李杜

事功也兩公皆不登科
目者也子以不竟子志
而述之獨寤寐歌以爲
是無何有乎子淺之乎

五月三
觀李放杜悲矣吾以授
吾子弟類收之門人著
作各種中昨歲客座私
祝何在子弟出之天用

請受而書之遂別

陽明山人王守仁題

淳朴園藁題辭

讀書懷獨行君子之德湮滅
艸萊者何限然而天遊霞想
攬物繪情惟山椒水涯饒為
得之彼其蕭條高寄鬱紆抒

寫亦各言其志也已矣然而
陵谷代遷風流宛在能令旁
徨追賞想見伊人余嘗謂自
有宇宙來不以年壽為存亡
不以名爵為顯晦者唯風雅

一道焉余華軒鼎食之子必
不能與盧仝孟郊爭此千秋
也吾鄉正嘉間有沈天用先
生淹博多通銳情用世之業
數奇恥與少年角逐竟以棲

逸自娛家於紫薇山之麓闢
園曰淳朴園有涵虛閣藕花
灣白鷗沙柳塘渡鶴缸通樵
徑杞菊闌諸勝頗極幽蓊之
致角巾布袍哦咏其中積帙

寢繁以富時關中孫太初山
人自北地信陽外橫出一枝
少所許可南遊浙越獨交許
台仲董子濤若而人先生與
壇坵焉相與杯酒留連握掌

唱和故老猶傳說其軼事云
先生之詩清冷澹遠條然塵
外而骯髒激楚之氣隱見其
中猶有先人持錢縛椎元兵
之風槩故非腐生沾躡語也

譬則幽谷之蘭有王者之香
今先生下世已百餘年淳朴
園亦已荒烟蔓草而其詩有
賢裔孫刻而傳之余嘗欲蒐
鄉先正如胡虛白蘓雪谿輩

著述為海昌志文獻得先生
詩一種欣賞不置謂大雅復
作菰蘆中有人夫先生當日
撚髭點筆獨寐寤歌時亦豈
意後之人如吳生者烁牕夜

榻嚼茗煎香把卷披吟之際
長思而三嘆也

崇禎戊寅歲中烁月夕吳本
泰書於使星槎



淳村園稿序

武宗時江南以布衣鳴亡若孫太初先生也先生
初來吳次來錢唐歸於雪嘗一至海上諸君子爲
唱和永安湖中吾寧與者三人許台仲董子濤沈
天用下邑之賦儼若一敵國台仲子濤集早行天
用中壽脩文地下人不可以無年悲夫天用早謝
諸生治園紫薇之麓日理觴詠倦則爲漢陰丈人
江南幸饒樂俗慕說風雅不專羨進賢冠卽輦上
貴人能脩巖穴處士之好守相之于旄學士大夫

之綦履門如流水天用卽宗宗豈有所不足於中乎其言何冲而婉鬱而不詭也古人頌詩且論其世天用生正嘉間子墨客卿徹於朝野北地信陽才最著江南稍不奉約束李文正當柄世靡然趣之天用聲格嚴整而潔間用少陵氏法而大旨出白太傅固嚮者文正羽翼也蹟其稿

先朝事可一二概見韓恭簡忤闈尹左遷其臬東郁之送妹不靄靄天用沉痛有餘慨所爲贈別僉憲韓公也江右漉皮之變畢真鎮吾浙實有豕心

史不甚悉讀贈張侍御詩幾若漢內史黯劉文肅自學憲遷太僕去諸生懸絕鄭善夫方棠陵其人雅自負有簡倨聲天用何以得此於諸公哉故頌天用詩天用可繫見也居恒游道雖廣然不爲請謝客至侑以卉石托嘯歌自發舒其志歲時詩郵俱海內名德山中斧柯幸自亡恙後所爲宜晚社以武原吳方伯爲政多隱君子地百里而近數過從亡間旣捐館園久爲丘隴荆棘禾黍矣稿值兵燹不傳門人唐聖言副具在時將有反成都富人

以子雲文覆瓿桓譚淡以爲必傳天用之爲桓譚者有其人則後台仲子濤而出之以爲明布衣重吾寧於正嘉間尚足爲世所稱說也

後學談遷仲木謨



淳朴園藁識

一日從人案頭見國山貢吏部湖亭集讀其集中有譜先人南湖集而刻之者曰南湖爲元理官入國朝遂隱居終於越之山陰門人私謚曰貞晦尚論懿集蓋前實晉

陶淵明託五柳以自廢於宋之踵
武後未必非我

明沈氏家硤始祖爲宋遺孑以田
器代博浪沙鎚之佑啓也吾沈氏
始祖正一持錢鑄器追椎元兵至
此因起家開硤
朴忠數百年

來謁草常肅墓木猶拱世世下
若孫愛敬之泣者如一日也至藩
已逝十一葉乃竝藩世而祖藩者
又不下三四葉矣前人行述或著
作想丁倭劫都無傳獨近世祖淳
朴園主人遺有淳朴園藁然亦繇

其孫復祖藩得以從孫事之者其
誕生也晚收卹不及蚤存者什之
無幾何稍完帙而已藩侵長得而
卒課食貧賤簡欲梓之未能但與
從祖計惟多多繕寫定本流示子
姓之賢而好事者里中之賢而臭

味者機緣固有侯先人豈無靈有
堅若志以埃之繕本流通非敢曰
志如是已塞也先人做秀才時以
天下爲已任儼爾范老子當年也
厥後而慨然曰吾其爲漢陰之叟
其感憤激烈良亦有以自狀具存

不煩推述以閒嗟終總之非初願
耳第念吾沈氏以 朴忠起家
而鍾美於淳朴園主人之世則家
世亦何媿貢貞晦先生而先生得
吏部公爲之後集以成刻貞晦之
不朽不階吏部迺吏部之誦習先

人於不朽則亦吏部之不朽也且
吏部甫十齡便能以其先尚書玩
齋集上郡守及其刻南湖集復同
雲林集懼已意外誤丐點記於大
學士李西涯作者賢賢親親自幼
至老至性不移則湖亭稿之獲自

散軼而保護於賢子孫也豈偶然
哉弗揚弗傳固無憂乎愛敬繩繩
吾尤於貢氏多焉藩尚株守先人
緒本者未暇媿吏部先媿先人先
人豈無靈其何以啓之

天啓四年歲次甲子孟春望日

不肖玄孫沈藩百拜謹識



刻溥朴園稿

古之有道德而隱者命為高隱非隱
是高以道德故高也先山人讀書慕
古幼以廊廟蒼生為己志及其中年
不雋遂決意以灌園蔣圃自老好施
賑急家故素封而不言財居家烝

悉為孝友率性節植盟心閒則寄情
吟咏耳不欲以詩自名而一時景企
如董蘿石孫太初朱西村陳勾溪許
九杞吳南溪僧雪江輩趾相藉於戶
各以其詩見投未免因事見誦浸而
成帙原無意以此標雕蟲技故卒不

多先山人固自有獨重者矣王新建
道學主盟而推轂先山人有吾道有
人之嘆至今志有海鹽澈湖為先
山人及董孫諸公故遊咏之地特因
更湖名曰高士亦猶即官湖因唐名
賢張李得名也其思慕不替於人心

何如所築別業曰淳朴園已而弁其
集曰淳朴園稿舊幾失傳及孫復祖
留心搜拾者久之隨得隨錄彙計四
百六十首有奇并諸名公贈答百有
餘首予兄弟惴惴壽諸梓恐不及殊
未偶也茲始得竟厥志而董其成者

予兄顯恩也兄性孝友嗜賑施以懸
壺自隱且老益後先繩武庶幾不墜
先山人之遺風而先山人淳朴鍾培
亦應後有其人予不敢辭家珍自矜
之陋云然因是而有感焉凡天之珍
護人善也久而不忘而廢興則屬有

定數非人所得行且趣者淳朴園居
成於正德九年甲戌其興而廢歷世
凡七朝歷年凡百有二十園固鞠為
茂草集亦幾失傳矣而後迺今淳朴
園藁始成刻其廢而興也亦值甲戌
為今

龍飛七年歲月巧符如出期會豈偶
然哉豈偶然哉予是以記

裔孫端百頓首識



補淳朴園稿紀事

淳朴園稿者乃吾家紫硤先山人感憤之所爲作也山人先年執義于新建王公以致君澤民爲已任宛然范老子當年也逮其旣也與世不偶遂疏泉疊石種竹栽花日與名流拈題分韻嘯咏不休久之衰然成帙大約皆不得志于時之所發也然究以悠揚蘊藉出之終不露其感激悲憤之跡大得詩人溫厚和平之旨者歟故王公叙山人稿曰子以不竟子志而逝之獨寐寤歌斯言也知己之

言也真有以見山人之微矣山人孫枝晚發故下
世後家中落所著詩文幾委草莽幸嫡孫惺硤八
長知收輯其先業爾時伯父伯翰公從東惺硤公
多存繕本以俟梨棗机緣然僅得詩四百餘首強
半不可復問矣惜哉方恨繕本難廣流傳適惺玄
公好義壽梓世人始知故明武宗朝有風雅領袖
其人者遠近咸推爲騷壇祭酒此惺玄公踵惺硤
公而施其功者也亡何惺玄公歿稿遂流落人間
輾轉莫詰今歲予假館硤川訪知散佚于僧舍卽

同秋佩燦節是怡諸弟姪往覓之甕頭爐底劊削
薪樵狼籍無所不至幸寺僧靈修亦佐予大索止
得詩版五十餘方命小奚畀歸書室乃癸亥仲秋
十九日也夫以十五餘年緬懷莫致之物一旦得
之喜可知也挑燈把酒反覆檢讀已亡失三四次
日芳貽姪聞之急過予索看予曰孟嘗之珠雖還
范增之璧猶碎柰何芳貽謂予曰叔無庸耿耿姪
已早辦補闕之心矣卽命伴頭屬之剗刷氏今已
完好成全書一展卷間恍如式瞻儀度親承音旨

深快夙心此又芳貽踵惺玄公而施其功者也因思此帙自山人撚鬚搦管時迄于今百五十餘年所矣其間得人則顯失人則晦故存于收輯廣于壽梓今復全于補遺凡幾歷顯晦焉可見前人勦之後人成之前人之望于後人也不綦重歟昔晉王筠與諸子書曰史稱安平崔氏汝南應氏並累世有文才然不過父子兩三世耳非有七葉之中人人有集如吾門者也觀此言則是奕世文章最為古人所矜詡今吾家自家硤祖伯端公而上無暇遠引從仲宣公桃源集以降有山人淳朴集有佃翰公西疇集歲也紀吟諸集有先孝廉子餘公芸輝集有先母高咏雪樓集後先相映堂闡交輝雖未及王門七葉亦可以凌崔轡應矣故凡我後賢其無忘作者梓者補者之意而善收藏廣播傳之則山人為不朽而家學亦無忝古人矣故予畧紀其實以為後賢告勉旃勉旃

苧村柔者裔孫抃謹述

補淳朴園藁紀畧

蓋聞仁人不卷道而遺俗智士不背時而滅勲則
士君子又何必肥遯丘園立言自高哉不知窮達
命也通塞時也君子不違時而知命者也是以仲
尼至聖子與大賢天不假以運命君不假以事權
則德不周于魯衛功不被于齊梁僅僅立言歿世
已耳然古人三不朽中功德爲上而立言卽次之
夫以立言垂教開學萬世卽功德也但作者不能
知其言之必傳而述者可以傳其言于不墜故孔

門非七十子孟門非公孫丑萬章之徒則微言之絕亦已久矣作者固難述者亦不易吾祖紫硤公懷才偃蹇著書成一家言者從故明正德嘉靖兩朝以及于茲歷年固久人事不齊其所立言不能無通塞窮達焉比歲主者不敏遂失去尤無從踪跡惋惜之深惟喚柰何雖然予嘗謂同志曰夫閣帖入上廐馬驚嘶心史深沉井騰光惟天地不可磨滅之物定有神助豈有吾祖嘔心瀝血之所遺而終岷滅不傳者哉辛酉歲訪得山房囑僧毋毀

今秋族叔幼宣同索畀歸旣喜叔之志善更揣予言有驗急隨叔書齋展而讀之愧予不知詩第讀其淡者如遙山殘靄一椽微茫其豪者如曹公橫槊賦詩氣吞吳蜀其幽者如桃花流水漁父尋源其清者如三峽啼猿屬引清遠聞者凄斷卽腐者亦如衣簪整潔不妄言笑之王思遠或時有率句累句亦無非典會所屬直露襟情非如鄙俚之士苟焉而已詩家諸體無不大備譬命駕而遊五都之市方貨畢陳拔衽而登鍾山藍田之上奇珍具

集矣但其板半燬于僧人之灶下養殘闕失次不能竟讀其何以致遠傳後爲不朽之盛業乎顧予不自揆揣忝任述者覓舊存全本檢其遺失補殺青焉今已犁然復舊觀矣前後諸先達爲之序而兩叔祖爲之識述兼外集反外集補中各公鉅卿復爲贊銘詩紀亦旣詳哉其言之矣何庸予小子復贅爲然旣經一番得失予不詳述其本末以存殷監于後來則後來者何由知立言者之不易又何由知收藏世守其言者尤不易而鄭重此帙于

無恙乎故予復爲之紀

裔孫翼世拜弁



總目

淳朴園彙卷之一目錄

鹽官紫硤山人沈祐著

同里後學蔣薰較閱

秋懷二首

遊子吟

洞南別墅

秋日同孫太初董子言

陳用明僧雪江散步湖上以老杜山青花
欲然分韻得然字

孫一元得花字

次日六橋三竺還宿欄

西山房得村字

送祝虛齋應

召提學



慈節卷為休寧羅氏作

訓癡雲 送毛汝典還越

病二首 寄休寧孫朝用

癸酉除夕 甲戌立春日

孟春廿日山行東園攜酒至分韻得生字

游碧雲寺 絕句二首

丁丑九日南屏山登高赴孫太初招

諸揚伯北部過訪 澆酒圖

胡中夫過訪 時將適東魯留別諸友

旅邸思親 喜歸二首

送許東山別駕之州訪秋崖

懷蘿石山人 懷太白山人

遊祇園寺 次韻謝孫朴居侍御

晚步 永思堂

贈別僉憲韓公 長門怨二首並送僉憲

園中雜言五首 還山吟二首東祝虛齋

郤節婦挽辭 暮春五日稻亭輩過訪

分韻得淡字 後齋小酌得花字

與董子言語舊

月川

次蘿石韻

偶興三首

送章白山南還

日暮泛湖偶述

東潘南山外史時已致仕杜門著述

壽郭廷用明府

訪聞聖謨進士得風字

紫硤山人探菊遠遊時陶將軍過訪不遇作

詩謝之

和夢溪山居夏日

和嚴介谿太史韻

對菊

永許州過山中

勝果寺石門二首

雪江隱處

讀戴雙湖司理潯陽餘稿

中秋汎澈澈湖董蘿石孫太白許東山朱西

村陳勾溪許九杞僧雪江同賦

董 濬同前題

孫一元同前題

陳 鑑同前題

許相卿同前題

釋明秀同前題

壽齋處士勾溪乃翁

留章文淵夜飲

休園至得天字

壽侯司教母

小景爲半江題

許台仲給事

過山中不遇

送董繼瞻北上

戊寅立春日

訪天寧雪江上人

董子言王宗範至臘梅盛開

春懷八首

送鄭少谷 詔起吏部

嘉議祝虛齋挽辭

二首

章師道芹溪書屋

竹庄

醉月寓思親意

南野

送劉學憲遷太僕卿

書頌甫秀才便面

登審山絕頂

南山翠雲亭

朱南仲小景

許憲副哀辭

題孫都憲忠憤錄

贈別侍御張公

送許永州北上

不出二首

雪蘭

弔餓葦二首

夜坐二首

後齋處士挽辭

題南野爲張隱君

翫月二首

長至日聽雨

己卯歲苦行役越明年始獲謝去舊種金光
艸死年半復生喜而成詩

獨眠窩

題函

辛巳初度

涇江書屋爲章文淵賦

沙浦釣灘

同前

寄王懋賢進士

憶萱

芙蓉二首

南宮

戴雙湖致政

中秋次方棠陵韻

秋泉

寄楊光齋同卿

中興觀郁鍊師過山中

竹梅

董蘿翁聞北山夜飲

送星士練探梅

晏起章白山朱石松過

秋堂上人山房

壽徐翁

壽吳翁

漫興

壽胡封翁

邑侯父

山中牡丹盛開書報君

用聖言二知己

村夜二首

對菊漫興

題唐聖言歸樵圖

釣魚圖

題朱南仲山水障子

送王叔霽游吳

園成怡晚翁攜酒至

睡起

題賞牡丹卷

南溪

題陳希夷圖

漁樵問語圖

走筆招聞聖謨進士

汪石溪海天一卷

華

小景

西湖

淳朴園稿卷之一目錄終

淳朴園藁卷之二目錄

鹽官紫硤山人沈祐著

同里後學蔣薰較閱

讀嘉靖新書

懷諸苧村秋官

病起用舊作夜坐詩韻二首

飲愛竹堂得山字 竹齋處士挽辭

董從吾陳墨山至 和韻 病後白心敬齋至同登

園中小山

送鄭淡泉會試

得雀

高卧 九日

淳朴園對菊董山人許永州至得黃字
得雀未幾斃于犬作詩悼之

題函爲陸宗大作 豐年謹呈孫明府二首

贈文衡山翰林 夏日園居雜言八首

題沈君用便面 德齋

送劉子方報政 讀潘南山尊經閣記

董蘿翁至把釣得魚樂而賦此

同朱西村諸苧村陳勾溪宿玉泉寺得門字

再宿吳山道院得花壽新安程世大

贈韓別駕 湖上漫歌柬九祀山人

湖上避暑楊恒叔郎中至

閏八月九日催菊 代菊答仍用前韻

遺愛吟爲方明府 寒谷春風同前

隨車甘雨同前 里閨移風同前

柳洲亭聞笛 山居五首

丁亥孟冬十九日石門勾溪過叙舊

素菴 長至日訪石門禪師

附石門明秀和詩 從吾董道人

附董道人澐和詩 朴居孫侍御

附孫朴居廸和詩 西村朱處士

附朱處士朴和詩 豐厓徐明府

附徐豐厓泰和詩 南溪吳憲副

附吳憲副昂和詩 勾溪陳山人

附陳山人鑑和詩 東濱徐太守

附徐太守咸和詩 南野朱上舍 諱漢字天章

海村劉鄒使 附劉衛使銳和詩

西臯鍾太守 附鍾太守梁和詩

龍山祝明府 附祝明府繼臯和詩

石林英上人 附石林上人和詩

古松陶將軍 附陶將軍炳和詩

墨山陳畫史 附墨山陳詢和詩

鶴洲王隱君 附王隱君朝縉和詩

井南朱山人 附朱山人景和詩

明谷山人不遇 附王洪和詩

玉芝上人不遇 六一道人不遇

答橫溪春塘 戊子元日二首

國家圖書館. NATIONAL CENTRAL LIBRARY. TAIWAN R.O.C.

東溪

社飲得日字

王橫州歸政

燈夕赴吳憲副招飲

獨坐二首

過西湖同宏甫南仲

可齋

寄襄陽徐東濱太守

明谷山人見訪

東戴雙湖州守

贈朱野塘

中秋宴朴居柱史宅

次韻

贈李東墅

早發之武原

五畝山賞月用陽明先生句起興孫朴居蘿

石雪江同賦

秋谷

九日喜溪翁過

陳鑑九日與沈紫硤雙

峯登高

附

送從子龍往滇南提舉

送盧少府北上

二首

近竹十二韻

董蘿翁折芙蓉盈把見訪

雜興三首

輓敷土人

獨往

獨酌

心月歌爲星士姜元吉賦

盧西湖過辭山中兼惠書面

十月一日三首

雨晴

淳朴園稿卷之二
獨坐

殘葉

雪中吳泓過二首 吳東澗過

送社長吳南溪之徐州兵備任

新春紀興 飲酒

送何明府遷地官郎 送陳以仁扶母榭還閩

時父司教海鹽 夜歸

卽事 送社友鍾濟南改任南昌

淳朴園春日 混池翁自題

輓董母蘿翁內子兩湖乃堂

題素扇 壽陸君美

向晚 中秋石門招社飲次韻二首

仲秋廿日同勾溪石林泛宋湖宿妙光菴

贈封生二首

淳朴園稿卷之二目錄終

淳朴園藁卷之三目錄

鹽官紫硯山人沈祜著

同里後學蔣薰較閱

庚寅立春日

春曉

送張明府遷苕溪二守

先任祠部正郎論事左遷

雨

暮春載酒社集

春深

送蔡汝信進士還京

曹明府報政

東山攜妓圖

松溪

過太白山人墓

上巳日社集

附董澐詩

附朱朴詩

附陳鑑詩

附徐泰詩

附釋明秀詩

偶興十首

失題三首

觀書

懷竹二首

杪秋朴居棠陵至

題宓晚軒

杞軒醫士

南泉秀才過山中有贈

樂耕

蘿翁欲建鐘樓久淹湖

海因寄小詩翁時年七旬有三

送舍姪再往五井

提舉碧山

雪

柏亭吟悼四明徐大

器父

沈一之席上限韻

秋日有懷石林虛堂月

泉諸詩僧

登高

落花二首

愛梅

歲晏

柳庄

答車廣文二首

幽居二首

許惟高過問草堂別後有懷

東溪二首

晏起客至

贈三峯俞文學

陶將軍許惠白牡丹遣

此奉迎因思與將軍久別不勝戀戀

未語及之

後溪

丹泉行爲唐聖言賦

小景

輓孫朴居侍御

題画二首

懷怡晚翁

三峯宅對菊次全溪韵

雲崑

黃勉之明水草堂和王

濟之閣老韵

附王鰲原詩

附孫一元和前韵

訪錢緒山

重遊虎丘山

宿千峯秀公山房

壽東莊野叟

社長吳方伯還山

睡起三首

贈醫士郜廷惠

送蔣明府入覲

送舍姪道卿講學

西坡小隱

坐隱

春亭爲蒲田陳

元父作

題画

寄朱侍御

和南溪方伯韵

碧泉

月公小影

竹泉

鐵龍仙館

雪潭

還無知金

讓應得產

湖坡石室

竹

輓白心老人內子

我愛吾廬好十首

客有孳家之任而死于

道者其子行乞于市不勝苦楚作詩哀之

倚杖問月

悼裕上人

讀邵白石悟玄集

贈宋近湖

竹雲

書陸愛菊便面

約齋

雙桐歌爲方令尹賦

節婦詞爲郭福州內子二首

尚古齋爲章白

山題

折梅送友

懷石門山人

懷從吾道人

寄明谷山人

時遇金臺

寄勾溪山人二首

李子元吉厥考小影失去三十年一日忽得

于金陵老姬破篋中因作存著卷

次韻答王龍谿

送俞鶚菴遠遊

乙未九月同諸友

登高

絕句三首

墨池

題画四首

小湖思親意
可竹

皇都壯遊卷
雨後

哭從子道卿
漁

樵
耕

牧
輓南谷翁

哀牡丹
臨終詩

雜著

燕居銘
書几銘

座右銘
梳具銘

洗具銘
拂榻銘

瓢銘
杖銘

盤都丞銘
研銘

筆銘
墨銘

印色銘
短檠銘

裁尺銘

秋雨賦
重建紫薇山廣福禪院

重建硤石土穀神祠碑記

附題淳朴園諸景

唐俞跋

涵虛閣

藕花灣灣之沙日白鷗

沙沙上有釣石

柳塘塘有渡鶴石

通樵徑徑有杞菊闌

以上俱門人唐俞記

外集

南山潘府記

提學副使進階太常卿

兩湖董穀記

鄉進士

北山聞嘉言記

刺史

靜寄老人王鑑之銘

刑部尚書

慶元張世明涵虛閣記

餘干呂泰可止軒記 祜自記

聞嘉言盪胷臺記

東粵鄔憲一鑑亭記

姚江史立模飯蔬亭跋

都給事

從吾道人董穀振衣岡辭

穀題可止軒銘

穀題淵淵池銘

聞嘉言大古崑銘

祜自記前題

祜自銘雲牙石

祜自記淳朴園狀

贈詩

關中孫一元

建安楊巨

太僕卿

董 澐

淡泉鄭曉

兵部尚書

汝湖謝丕

詹事

勾溪山人陳鑑

西村朱朴

南山潘府

明谷山人王洪

柏南子馮著

豐厓徐泰

知縣

石門山人明秀

支湖謝鐸

提學副使

月湖謝耀

衡山文徵明

翰林院待詔

春塘徐定夫

玉芝道人法聚

小野倪宗正

翰林院庶吉士

石林子英

爐峯山人錢寬

進士

雜題

餘姚毛憲題可止軒

副使

毛憲題涵虛閣

毛憲題柳塘

毛憲題花塲

孫一元題芙蓉溪

又題載月舟

又題醒心泉

又題渡鶴缸

又題神清洞

又題太華蓮

又題晏坐亭

又題梅月嶠

又題落雁峯

又題睡雀峯

又題茶烟谷

又題竹雪坡 又題白鷗沙

又題望道菴 又題一鑑亭

又題涵虛閣 董澐題釣石

又題飯蔬亭 又題神清洞

又題晏坐亭 又題柳塘

又題芙蓉溪 又題茶烟谷

又題淵淵池 陳鑑題飯蔬亭

又題竹雪坡 又題蘿壁

又題真境 又題藕花灣

又題芙蓉溪 明秀題涵虛閣

白山章涇題可止軒 又題振衣岡

又題花塲 又題通樵徑

白心老人宋敬題盪胃臺

又題飯蔬亭 嘉善沈槃題杞菊園

又題一拳山 又題渡淮砭

又題晏坐亭 又題可止軒

又題望道菴 又題一鑑亭

王洪題白鷗沙 又題滴露窟

墨山陳詢題行休橋 又題通樵徑

門人唐俞題芙蓉溪 又題渡雀疍

又題白鷗沙 又題松風嶺

杞山許相卿和答沈紫硤 禮科給事

桐城方克題淳朴園 御史先任 桐鄉縣令

海石錢薇題沈山人園亭 禮科給事

又和題李明府過沈氏園亭

朱朴題紫峽山人圖扇

又山中懷遠人 時天用客齊

又上巳日紫峽山人席上集句

又題紫硤隱士居硤川

又重陽紫峽山人席上用韻

陳鑑過紫峽淳朴園

又寄紫峽 又題紫峽扇面

又紫峽至得孫名應賓

又題過淳朴園 又和紫峽偶興韻

又哭紫峽社長三首

法聚訪紫峽山人 明秀人日寄紫峽

又九日與紫峽登高

又紫峽園居夜話 又過沈紫峽園亭

又間居漫興和紫峽韻

門人唐俞哭沈天用先生

淳朴園稿外集目錄終



國家圖書館, NATIONAL CENTRAL LIBRARY, TAIWAN, R.O.C.

淳朴園藁卷之一

鹽官紫峽山人沈疇著

同里後學蔣薰較閱

秋懷 二一晉

秋風散炎溽茅齋野興新
焚香讀周易靜坐完吾
真夜色天心月年華夢裏身
經時斷來屨幽事足
幽人

虛心生道氣俯仰俱歡顏
世路何須問迂疎合放
閒山空人獨立天濶鳥雙還
事業青氈上衡門白

畫關

遊子吟

破鏡飛中天遊子思故鄉夜中不能寐攬衣盼流
光丈夫四方志談笑回陶唐風雲一失所濩落江
湖長青氈百世事吾道誰云涼去去總窮途所懷
在高堂門牆有狂簡安得遲行囊

洞南別墅

鶻老百花落洞南出艸堂杜門荒白日濯足向滄
浪地僻人來少庭虛草自長酒酣高臥穩清夢到

羲皇

秋日同孫太初董子言陳用明僧雪江散步
湖上以老柱山青花欲然分韻得然字

斜日南屏路幽尋短褐便忘言流水上得意野鷗
前世隔漁樵地秋高鷓鶴天遲留不知晚疎樹一
燈然

得花字

孫一元

六橋尋勝處去去望中賒樹老秋連石湖酣晚
曠花山光酬野客詩意愛漁家歸路殘陽裏鏗

鏗拄杖斜

次日歷六橋三竺還宿礪西山房得村字

向晚尋山寺穿雲到石門秋清聞野笛湖近見漁
村事業新詩艸乾坤舊酒尊子長高興在思共老
僧言

送祝虛齋應 召提學關中

江山分陝路垂老壯斯行空谷遺才起皇天老眼
明翼之開道學安石慰蒼生進退關時化題詩賞
太平

慈節卷爲休寧羅氏作

夫溺不再返惟有乳下雛苦節人難奪貞心月共
孤乾坤歸淚眼身事付洪鑪愚嬾尚如此風塵誰
丈夫

訓癡雲

宗硤來狂客風流艸聖傳高歌眠賀老舞劍醉張
顛蹤蹟浮雲外年華白髮前看君足高興一杖信
山川

送毛汝興還越

與衣入繭思盛暑發孤舟江漢窮途客風塵兩鬢
秋狎鷗虛白日吹蓬徧滄洲得句別知己青山五
日留

病 一首

不出已三月搔頭感白駒撥書眠自穩無妄藥何
須海宇風塵際乾坤固陋軀敝廬堪養拙天遣病
留吾

伏枕青春暮推窗綠樹淡冷風欺病骨白日照初
心世事看蓬鬢人情付短吟兵戈半天下和病一

活中

寄休寧孫朝用

滄洲抱病憐孫楚白屋悲歌臥隱侯歲月尋詩花
照眼乾坤多事雪蒙頭山空紫硤孤猿夜葉落清
江一雁秋何日一尊重下榻石牀風雨話窮愁

癸酉除夕

明燈百感集隱几坐淡更仰屋成蓬鬢看山送半
生鼓磬千里振節序兩年并報主心恒切迂疎
合酒觥

甲戌立春日

帝布乾坤裏消磨廿六春今朝春已至對酒我須
頻世故飽雙眼杞憂徒一身寒梅著花小曳杖過
東林

孟春廿日山行東園攜酒至分韻得生字

春山雨過石池平萬壑朝來爽氣橫紅紫淨時塵
後夢玉驄醉覺野人行空林蝶散孤筇入敗圃花
遺獨樹明阮籍余竊天地老尊前一笑豈平生

遊碧雲寺

後出茆屋春歸景更幽長歌入山寺萬事付溪
流嫩葉黃鸝竝空林蛺蝶愁去來天地澗隨處著
虛舟

絕句 二首

世事何煩短杖支野人出處老天知詩成有月呼
盃後道悟無言掩卷時

天時人事久相違野老搔頭竟莫知昨午村南得
新句幾家污吏又傳兒

丁丑九日南屏山登高赴孫大初招

千里登高約杖藜江上來乾坤吾道在山水酒盃
開一葉悲風物孤吟向草萊百年無限意落日更
臨臺

諸揚伯比部過訪

一作沈克仁進士話舊

雲水數年別驚看雙鬢蒼無才分丘壑歲月久荒
涼把卷松陰轉美流山礪長因君得時事揮淚向
斜陽

漉酒圖

浮雲埽不去頽陽挽不畱獨有盃中物能消處士

愁

胡中夫過訪

勾溪每說夢溪子數載神交此日逢一笑黃花時
已暮相看意氣道還同寒崖樹色畱殘照淡谷茶
烟度晚風紫芋青蔬終不惡放歌莫惜酒尊空

時將適東魯畱別沔中諸友

二首

紫峽山人會已稀黃猿驚走鶴猜疑客程千里自
今日隱志百年徒往時造物有知應拙我文章無
用更尤誰樵雲蹤跡持竿手爲報山靈不久違

翩翩野服走紅塵笑殺山人認不真天地百年身
總客江湖今日我何人海鷗避俗雙雙起山雨晴
行故故頻後夜相思何處是泰山西望海東濱

旅邸思親

春暉難報慈親德寸艸空懷遊子情密線有衣猶
挂體萱花何日可重榮石窗夜靜寒蟬話庭樹風
高冷月明不寐憑闌待明發鏡中白髮曉來生

喜歸 二首

仗劍紅塵路回頭日髮生入山猿鶴笑畢志壯心

驚枕海已無力全身合小成菰蒲斜日裏天濶一
舟橫

出處看吾道歸與事釣竿抱書高興發倦鳥一枝
安艸色連青野山光上藥闌薄田供酒盞長嘯海
雲寒

送許東山別駕之永州

萬里滎陽路論心更一盃乾坤皆我事經濟待雄
才江影鷗邊盡山光馬首開下車訪民瘼盡道次
山來

訪秋崖

一作訪松花居士

江上艸玄閣江邊載酒船
道心千里合高興一盃
前空谷秋花淨疎林落日懸
君看白鷗鳥來去自無牽

懷蘿石山人

幽花開復落幽事杖藜頻
舉酒見明月停盃思故人
別離無一字飄泊獨沾巾
吾道浮鷗外應知野服陳

懷太白山人

久無孫老信落月思沉沉
屐齒雲山澗鷗邊意味
淡風霜歸短鬢天地入孤吟
何日南屏下論文一啓襟

遊祇園寺

逝景終何事看山亦壯遊
轉蓬兜率地倚杖錦峰頭
秋入黃花淨時歸落葉愁
行藏任消息送老有孤舟

次韻酬孫朴居侍御

宿靄殘烟望裏消
每瞻山斗憶人豪
五湖天澗雁

鴻斷十月寒淡風露高小甕撥雲招酒伴長竿抱
月臥江舫懸知己信篆衣好笑脫藤蘿挂錦袍

晚步

野袍影陸離斜日寒泉明夜雨過林壑春色來柴
荆老梅散幽香倚杖有餘情回首十年內鹿夢徒
營營天地今何寬隨在得所生炯言抱終世舉手
謝浮名

永思堂

兒孫繞膝前白髮身何來爲子不克養百歲終銜

蒿萊
哀天地豈無春孤懷自不開誰言有世人親在如

贈別僉憲韓公

遙天閉重陰四野成荒涼今夕復何夕睹此孤月
光茆簷始安作偏照機杼傍機杼聲正頌孤月光
正平孤月不受蔽機杼將長鳴密雲自天來孤月
良難勝寒光激宇宙更傍何方明停機哭聲接天
地俱含情我欲訴 天帝奉月當天心魑魅終不
迷八表光華生

長門怨

二首並送
韓僉憲

寒暄不可常願君愛玉軀君不鑒妾意賤妾將何
如

長門纔咫尺妾憂君未知妾心百鍊鋼不爲生死
移

園中雜言

五首

林深不知暑日長足高枕濯足歌滄浪石潭浸孤
影

偶來坐松根隨意展書讀山空不見人落日明深





谷

野人不解事所解只汚樽客至相對坐竟日無言

地僻無漚埽清風自朝暮投杖呼酒頻行邊得新句

中酒起常逢蓬門晝亦關黑頭迷日月老眼看湖山

還山吟

二首東祝
虛齋太參

獨立發歸興年華鬢已蓬江流無日夜世運有窮



通歇馬千山暮高歌萬壑空
覓虛一搔首遠意到冥鴻

偶出不知晚前峯已夕
暉杖頭雙鳥過江上一人
歸山色開醒眼泉光照白衣
秋風黃落際萬里見
王畿

節頰挽辭

藁礎一別四十載存節存孤
兩得之正氣百年歸
頰女風塵終古少男兒
月來枕上空流涕春在人
間總不知誰把予言傳
太史大書清節礪民彝

暮春五日稻亭輩過訪分韻得淡字

千山紅褪青春淨
五柳條長白日陰
舊雨有情高士過
布袍無恙艸堂淡
摘蔬薦酒聊成醉
明燭論交不媿心
只恐扁舟又東去
屋梁落月思難禁
後齋小酌得花字

尋芳偶過野人家
到手淡盃日未斜
一笑乾坤春事了
杜鵑啼雨落山花

與董子言話舊

角巾聚一室談笑來
春風書劍經年別
壺觴此夜

同負才看白髮學道只途窮明日孤舟上飄零又
轉蓬

月川

濯纓臨清流水動碎明月仰面撲天心月輪仍不
缺蕩蕩鏡光寒渺渺琉璃滑高歌呼素娥影落蛟
龍窟

次蘿石韻

避世似高還似癡從吾道人真吾師獨臥滄江美
明月渾忘皓首占龐眉飛絮落花春混混鳴鳩乳

蕪日遲遲幽懷自得祇自愛爲問傍人應不知

偶興 三首

舍南新水布穀老竹裏茶烟午夢餘一卷羲經足
長日山中風調葛天初
看山有句殊不惡用世無才只合休獨倚蒼茫發
長嘯前峯落日杜鵑愁
欲悟未悟心上易欲開未開枝上花白日高歌聽
者寡海鷗作對下晴沙

送章白山南還

九載春風絳帳開門牆桃李手親栽傳經不愧河
汾學濟世真孤洛下才日落青山隨馬遠江空寒
月帶潮來離筵不盡論交意爛醉休辭濁酒盃

日暮泛湖偶述

落日明湖水流光接遠村青山移短棹白鳥罄餘
樽杳杳人何病囂囂道自尊歌長山月出空谷有
知言

東潘南山外史

時已致仕
杜門著述

老子胷中載六經眼邊富貴真浮萍江湖風物一

盃酒天地文章舊艸亭石上把書秋月白笠頭過
雨南山青後昆重拜朱夫子再洗妖氛看日星

壽郭廷用明府

太平新政舊山川白日堂堂啓壽筵黎庶萬家溫
飽裏使君一笑酒盃前春回窮海饒生意月上山
村足夜眠杜母勲華照千古何須八萬祝流年

訪聞聖謨進士得鳳字

野老襟懷付何處杖藜十里過茅堂陰雲四塞作
秋雨木落于林正夕陽愁到青山毛髮改興隨黃

菊酒盃長時乎消長吾休矣把淚獨看孤鳳凰

紫硤山人揆菊遠遊時陶將軍過訪不遇作

詩謝之

腐儒不事陳平學門外何來長者車 盛世由來
不好武將軍今日亦知書雲山事業青氈上艸莽
行藏未醉初背指菊花輕百里無緣迎款欲何如

和夢溪山居夏日

春盡杜鵑裏門開綠樹前淡盃竟長日短髮任流
年修竹杖藜入好山芒屨穿時維東硤老得句報

詩筵

和巖介谿太史韻

杏花零落曲江頭沙鳥應知野老愁獨抱一竿江
海去天空無礙釣魚舟

對菊

徧嗅幽香如有得欲書妙思忽無文世人只解看
人面老眼空山獨對君

許永州過山中

軒車千里問江干艸閣何慙一啓關五馬新勳歸

汗簡野人舊業自青山西風滿地黃花老落日平
沙白鳥閒一筋菜根尼父味不嫌冷淡未須還

勝果寺石門

二首雪江
栖隱處

失道數徘徊幽尋破石苔雲淡清磬出山盡洞門
開客子停藜杖僧人治茗盃短童穿細竹瓦甕得
泉回

徑路絕還生懸崖過復驚鐘聲寺門近泉影布袍
明靜久忘文字山溪足太平長歌發天籟落日亂
峰橫

謫戴雙湖司理潯陽餘稿

昔聞雙湖名今讀雙湖詩潯陽好風月傳與野人
知

中秋汎澈湖董蘿石孫太白許東山朱西
村陳勾溪許九杞僧雪江同賦

月上千林風露清放舟與客澈湖行東溟秋濶瞻
天在北極雲開憶帝京山迥靜聞楓葉下波寒
遙帶布袍明酒酣鼓柁長篙起夜半圓沙宿鷺驚

同題

董 雲

青山影裏進扁舟海色湖光并作秋子夜雲濤
悲玉笛九天風露濕瓊樓直凌牛斗同清泛應
有魚龍識醉遊萬里長空傳浩嘯冷然鸞鳳在
滄洲

孫一元

中秋此地成高會山雨初收澈墅隈望裏星河
舟楫近坐中滄海酒杯開月明靜抱龜鼉出樹
色晴空島嶼來爛醉長歌真自得回頭天地莫
生哀

陳鑑

百年高會滄溟夜壁月鯨波萬里秋避地衣冠
天下士旁湖樽酒水邊樓松杉谷應聞清嘯沙
磧湖迴捲漫流不用乘風跨黃雀人間隨處有
瀛洲

許相卿

一年好月是中秋向夕呼丹抱病遊大地清輝
翻白晝良宵幽典屬滄洲湖山夜色孤蓬遠天
水寒光兩鏡浮酣坐不知吟嘯永闌干北斗挂

峯頭

釋明秀

人物百年滄海上釣竿裊裊拂珊瑚前峯吹笛
月在水中流放歌秋滿湖夜靜魚龍迴浦淑天
低星宿動菰蒲山川勝槩自今昔天柱洞庭還
有無

壽竹齋處士

勾溪
乃翁

頭白桑榆裏山青杖履前狂吟三萬首小遣八千
年細水通魚路輕鷗上釣船人間空束帛高典熟

江邊

留章文淵夜飲

對酒高歌擊唾壺挽夜按劍燈模糊青氈事業君
蓬鬢白日行藏我病軀高閣水明江月曉長天雲
盡碧山孤相逢漫下杜陵淚短楫長竿信五湖

休園至得天字

一經措大復何言把劍逢君淚黯然萬井風烟迷
落日九江波浪接遙天瓦盆酒盡空山裏杞園憂
深白髮前去住無勞問消息黃冠今已上漁船

壽侯司教母

閱世由來仁者壽虛無何用說蟠桃要知八十年
間事芹泮春風看鳳毛

小景爲半江題

結茆青山巔煮茗白雲裏童子抱甕歸幽人睡初
起浮烟滿戶庭月照半江水

許台仲給事過山中不遇

用世無才與世疎青山萬疊紫芝歌閒雲長是無
心出舊雨空聞使客過 金闕曉霜彈淚盡茆簷

落日夢魂多太平事業君能作野老窮崖舞綠簑

送黃繼瞻北上

長歌短別意不盡風物蕭疎木葉枯五嶽烟霞須
我老九天日月看君扶雲陰水鳥相呼喚雪壓前
村欲有無君去我懷誰可語衙門白日草堂孤

戊寅立春日

布袍無恙三十載坐對青天一舉杯吾道江湖流
不息人間甲子去還來懷人獨立北風勁愛月長
驚短景催起向南枝探春色桃花還是舊時開

訪天寧雪江上人

一笑出門江水流杖藜無事獨相求梅花明月十年夢木榻酒杯三日留海上風濤添白髮人間幽勝見滄洲清懽不盡且歸去明日聽鶯還放舟

董子言王宗範至臘梅盛開

得得杖藜斜幽尋百里賒律回王正月春滿臘梅花野雀來看客山人自煮茶風塵無樂土窮谷有生涯

春懷 八首

敝裘老子放歌頻天地襟懷泗水濱曉日簾櫳一盃酒東風紅紫萬山春明良燁燁昇平世出處堂堂臥病身桐水一絲關九曲江湖滿地豈無人陰霾忽捲萬峯明九十春光此日晴黃鳥畱人丸藥坐香風起我踏花行山連蒼靄浮僧宇日近紅雲憶 帝京聞道窮邊勞遠 狩杞人白髮夜來生

積雨水高平岸頭憑闌一一數沙鷗遊絲落絮青春淨鳳鳥河圖吾道休海宇風塵猶入夢杜陵骸

骨不勝愁日長捫虱茆簷下門對青山水正流
萬里澄江帶艸廬洞門高竹水雲虛酒盃鳥語花
陰密病眼春山雨過初白日幽情高士傳東風生
意藥苗鋤不將白髮看人面賸得閒身讀我書
睡破江雲已暮春開門淡樹粟畱新牢籠天地頭
顛在把翫風花酒盞頻七月雨聲茅屋病自丁丑
殘秋雨
至戊寅殘
春凡七月三邊春色 翠華巡負暄可獻江湖遠
仰屋搔頭愧此身
混混源泉天際來掉頭千古一徘徊杖隨楊柳風

吹鬢簾捲梨花月在盃真景不隨人事改好懷長
向靜中開乾坤俯仰堪流涕北斗三更杜宇哀
一盃草閣翫羣芳望入蒼茫思更長澤國重陰春
淺淺海門高浪日荒荒竝枝黃鳥翻新調不語幽
花只舊香門外艸溪人跡斷南山青近竹邊牀
茆堂習靜姓名完鶴白松青共歲年不盡陰雲高
閣晚萬山啼鳥落花前中天月色開書卷遠浦歌
聲進釣船長揖古人千古上芟衣高帽照寒泉

送鄭少谷 詔起吏部

木落天高沙雨涼江臯有客動鳴榔大鵬終奮圖
南翼寶劍難埋射斗光 宵旰幾年思輔弼山林
有日見陶唐莫辭再進盃中物萬里雲霄路正長

嘉議祝虛齋挽辭 二章

頭白公家事抽簪見獨真請看天下論何愧百年
身澤被門生遠風行里閭新感時懷宿望落日并
沾巾

行止符先詰詩書啓後昆雲霄聲已重丘壑道逾
尊夜雨修經艸春風灌藥園儀刑如在眼愁坐欲

何言

章師道芹溪書屋

江水茫茫江雨涼野堂寒暎竹松竈攤書三片不
出戶門外薜蘿一尺長

竹庄

手植此君森作林茆堂終日藉清芬只看月暎紛
紛白坐凌風生細細聞石榻午陰三伏冷白沙秋
色一江分楚天落日多愁思翠袖凝寒倚暮雲

醉月

寓意
親意

長醉何由醒高堂月又來昊天空復色厚地若爲
猜庭樹交愁語寒螿併此盃冥冥兩行淚不覺玉
山頽

南野

清世高人宅麟湖綠到門東風聞布穀短杖出前
村年事占三白農談共一樽經綸鳳毛在一笑信
乾坤

送劉學憲遷太僕卿

曉日帶雙旌衣冠照白蘋大川舟楫壯南國杏桃

新天地斯文在山川化雨頻更須調鼎鼐爲報海
門春

書頌甫秀才便面

酒酣拂劍斗光寒扣角歌長夜未闌數太乾坤皆
我事欲排閭闔獻琅玕

登審山絕頂

杖藜扶我登高壑誰能識得此行樂風鼓松濤聽
不休詩成新句僧求索白雲杳杳去何之蒼海悠
悠入雙鶴葛巾隨處稱閒情飄然天地無拘束

南山翠雲亭

獨步上雲岑悠悠石逕深路從塵世隔門掩薜蘿
陰丹火有文武仙源無古今感畱除客氣下榻共
幽吟

朱南仲小景

坐中魚鳥青春迥望裏風波白髮長歲月一竿天
地濶蘋花兩岸水雲涼

許憲副哀辭

寧藩不道江西許憲副達首倡大義激勵
羣僚致歎罵不虛口時正德己卯六月十

有四
日也

風塵是處無男子罵賊何從得許侯江右不爲忠
義倡衣冠幾坐失身羞氣充宇宙華夷隘道沛江
河口夜流我爲綱常遙下拜艸堂六月肅清秋

題孫都憲忠憤錄

西鄙行將著柘袍老臣孤憤豎霜毫姓名直欲磨
天地生成看來一羽毛漳水獨揮忠烈笏長江漫
哭子胥濤聖賢事業無今古取義成仁認得牢

贈別侍御張公

寧藩謀不軌浙守內臣尅日約爲內應遠
近恟恟公保城池沮逆謀於不動聲色間
故其行也民感之壯夫號哭老人兒啼攔
截於馬首使不得進者二十餘里曠古所
無也

夾道哭聲攔馬首古今得似使君無
去年江右兵連浙今日官城骨滿途
譚笑之間驅逆豎功成無
地著夷吾天教世運躋堯舜還待調元澤九區

送許永州北上

坐苦三載骨毛殊重苦賢勞舍薛羅萬里波濤舟
楫壯九天日月夢魂多東山再慰蒼生望永水

猶聞五袴歌竹帛勲華丈夫事可容蹤蹟混漁策
不出二首

積雪不出戶低頭事酒盃風情只合醉身世更何
猜短褐磨天地高懷付竹梅窮途書卷在無愧日
追陪

野雪兼旬白茅齋盡日關幽期雙屐下春事早梅
間濁酒酬風色紅爐照醉顏萬山凋落際遮莫腐
儒閒

雪蘭

寒衣采采不勝寒
淡雪難尋但辨香
入室何人同
臭味
紉裳千古挹餘芳
紫綃倚月空
山靜翠袖迎
風絕壑涼
回首楚天雲漠漠
一襟愁思滿瀟湘

弔餓莩

一首

鳥噉蟲攢不可看
腥風萬里晝漫漫
艸枯蓬斷家
何處地老天荒水
灘破屋可勝
秋雨橫大餐
寧識薄糜寒
此情欲達江湖遠
獨對斜陽哭未闌
飄飄何處托孤墳
水面浮沉一葉身
野岸驚看沿
路骨荒村知剩幾
家民陰風慘慘疑
無日白浪茫

茫豈有春天地
化生皆赤子
輕裘肥馬彼何人

夜坐

二首

病起意更好
科頭看水流
江寒詩骨瘦
客散野亭
幽孤月作清
夜一盃酬素秋
海鷗來去熟
元不避
虛舟

水閣新涼夜
山中一葉秋
荆扉和月動
天影入江
流野炊連漁
火星河帶客
舟帝鄉雲霧
隔憂思
滿滄洲

後齋處士挽辭

頻年落落坐詩窟造物何從拙此翁苦志聊成書
兩帙素心無愧鬢雙蓬布衣屢起公卿重末俗誰
興處士風淡夜懷人正愁絕高秋涼露急寒蛩

題南墅爲張隱君

顛風橫雨打柴門坐撥殘書懶動身原憲一生非
是病杜陵千首不知貧四郊艸暗殘陽薄獨樹花
開破屋春一曲滄浪聽者寡水光寒照白綸巾

翫月 二首

坐久月華滿長風吹短衣九天開氣象四海仰光

輝水落山根出江寒木葉稀一盃溫病骨午夜打
魚歸

病起不飲酒其如良夜何長江搖素練明月浸澄
波霽色浮山嶼寒光壓釣蓑瓊樓不可見風露晚
來多

長至日聽雨

半月山村雨未休酒盃長至重時憂閒身天地一
竿老吾道江湖日夜流滿眼陰雲迷海嶽到門新
水失汀洲白頭抱膝茅簷下報國無能與病謀

已卯歲苦行役越明年始獲謝去舊種金光
艸歿年半復生喜而成詩

矯矯金光艸三載乃一華凡卉不可倫種出崑崙
涯山人苦行役艸亦避喧譁山人赤松流豈受塵
埃加長笑返吾廬天風吹帽紗開徑坐松菊此艸
復抽芽已矣一年餘生意良可嘉上帝憐吾拙特
賜揚天葩我亦厭區宇崑崙本吾家騎龍俯日月
開口吸雲霞便當揖東皇一舉超流沙

獨眠窩

環堵風蕭蕭布衾生夜寒獨眠有淡意淡意人莫
揆垂髻不見母一念摧心肝欲養不見父撫膺何
湯湯終天有餘哀白日無足懼詎謂室家好孤懷
鬱不安良宵幾反側天地誰云寬猗歟孝子風請
與世人看

題畫

不盡浮雲天際頭長江無語自東流青山兩岸菰
浦裏載得鶯聲滿釣舟

辛巳初度

三十四年龐老家興來今日酒須賒兩年病阻登山屐一笑詩成照眼花澤國重陰迷海嶽石門涼月動江沙幽禽喚醒羲皇夢楊柳風來吹帽紗

涇江書屋

爲章文淵賦

涇江秋色帶書堂青曉書聲自夕陽山勢北來雲歷歷河源東去水茫茫篝燈夜雨三冬足芸艸春風萬卷香誰識數椽荒蔓裏乾坤萬物共徜徉

沙浦釣灘

同前

沙雨泠泠莎艸青白鷗沙上引雛行水光寒壓簑

衣重樹色晴連島嶼明此地儘堪逃物色一竿自信了平生客星沉後羊裘少莫遣紅塵識姓名

寄王懋賢進士

絳帳談經東海陽海波文脈共爭長春回敗圃花齊發鬼哭南城劍有光夜雨彤樓頻入夢秋風天桂正飄香野人不願封侯印願識荊州一箇強

憶萱

天號地裂北風酸堂背花從此夜殘莫莢已更猶有淚忘憂一失再無懽荒苔滿眼難回首冷月空

庭獨倚闌陳迹欲培培不起百年春事夢中看

芙蓉 二首

落盡東風桃杏枝自應顏色到江湄美人約我湘
臯曲欲采秋芳寄所思

彩雲渺渺隔江干天遠誰來倚棹看獨立霜風薄
衣袂澄波照影夕陽寒

南嶠

結屋就山陽嶠花引興長白雲團野色叢桂發大
香石榻連秋淨汗樽過雨涼便須從此老直與世

相忘

戴雙湖致政

事與心違便乞身敝裘羸馬僕夫嗔青山綠樹門
牆舊竹杖芒屨野興真意外陰晴空白髮靜中魚
鳥自青春杜門垂著淵明傳楊柳風來吹角巾

中秋次方棠陵韻

白苧寒生灑氣浮山河如洗玉波流天光上下水
明夜樹影高低月抱樓幾處關山悲玉笛萬家砧
杵急高秋滄江北斗空凝睇人事人心不盡愁

秋泉

泠泠一脈古猶今十里清溪澗欲平六月寒光欺
病骨半空雲影落秋聲藥瓢樹處搖天色茗椀分
來帶月明莫惟杖藜畱不忝老人須此濯吾纓

寄楊允齋罔卿

一接荊州向別來楓葉秋閉門三日雨遙識著書

愁

中興觀郁鍊師過山中

江上笛聲何處來香風習習江花開飽嘗世味只

如此試問神仙安在哉紫府無緣同跨鶴白雲有
約共栽梅頻年臥病不自好乞我瑤臺露一盃

竹

六月山家露氣涼白沙秋色帶澄江道人正熟義
皇夢却惟蕭蕭時打窗

梅

西湖昨夜雪三尺病裏孤山入夢思曉起開門撲
春信西風牆角忽橫枝

董蘿翁聞北山夜酌

清歌濁酒燭花寒，歲晏山空木葉乾。霜月紛紛人
擣練，星河耿耿客憑闌。頭顱半白慚書卷，心事多
違定釣竿。病裏青山消瘦盡，非君誰復問江干。

送星上練撲梅

海上談玄客，江邊臥病翁。不才應我拙，莫道爲詩
窮。白酒休辭醉，青山幾日同。杖頭天地濶，蹤蹟自
冥鴻。

晏起章白山朱石松過

卓午不見日，重重松桂陰。地偏青艸合，山靜白雲

淡。久病成疎懶，無爲長道心。同遊惟二仲，載酒數
相尋。

秋堂上人山房

數聲清磬白雲中，萬壑千巖路不通。十載苦空成
底事，黃鸝無語落花紅。

壽徐翁

逢逢鼉鼓夜行籌，紅袖低回擁白頭。醉了春風有
秋月，南山不老水長流。

壽吳翁

日日春風花下盃更邀明月上樓臺洞簫一曲知
何處莫是瑤池阿母來

湯興

與世無關道自尊山中別有一乾坤義經讀罷茶
烟起庭艸春風綠到門

壽胡封翁

邑侯父

錦堂壽酒簇春筵冰雪丰神海嶽年笑倚仙人碧
玉杖醉歌太古白雲篇冠裳燁燁南山迥雨露重
重北斗邊回首鳳凰池上路勲華早已繼前賢

山中牡丹盛開書報君用聖言二知已

閱盡羣芳試一開黃蜂驚駭蝶疑猜山中未許文
章喪茅屋何從富貴來須信鉛華真短夢莫教白
髮放淡盃明朝欲約看花伴一笑何人向艸萊

村夜

二首

橙切香黃蟹正肥酒酣濃睡枕簑衣前村燈火鬧
山犬漁父得魚能夜歸

早稻登場晚稻黃一樽籬落菊花香不知何處還
機杼社酒醒來月半牀

對菊湯興

病久廢詩兼廢酒惱人無奈菊花何閉門黃葉流
年換隱几青山白髮多聞道故人皆厚祿有誰滄
海問漁簑秋風門巷重重艸自喜年來少客過

題唐聖言歸樵圖

萬壑千巖路不分半空泉落漱雲根日斜隱隱聞
人語淡樹雞鳴定有村

釣魚圖

青山水底流不忒明月皎皎蘆花寒君看子陵何

似者不容諫議換漁竿

題朱南仲山水障子

朱郎大叫覆三斗蒲紙烟霞信手塗巫峽曉雲寒
不度瀟湘秋雨夜模糊幽崑溪壑不可入霹靂魍
魎來斯須我恠狂夫奪造化手拈湖海入吾廬

送王叔霽遊吳

不醉吳門酒今來已十年題詩送君發病思復茫
然春淺餘寒在盃淡落日懸梅花今夜月滿載米
家船

園成怡晚翁攜酒至

背郭園成十畝賒野人隨分作生涯船頭吹簫半
江月石上把書千嶂花車馬無人通姓字比鄰有
酒話桑麻青山無恙簑衣好一笑何妨畢歲華

睡起

閒門青艸客來稀春色年年燕子飛自愛山中濃
睡好松風涼滿薜蘿衣

題賞牡丹卷

分得洛陽種逢時試一開彩雲和日動蜂蝶趁香

來夜雨繁華夢春風激澗盃主人耽勝賞邀客共
追陪

南溪

溪水迎舟淨溪山逼岸青鳥啼風淡淡樹密晝冥
冥天地漁竿在功名鹿夢醒放歌丘壑迴應許蟄
龍聽

題陳希夷圖

舉世醒猶睡先生睡亦醒浮雲自來去不礙華山

詩

漁樵問話圖

九江足流水五嶽多白雲相逢意已會一笑復何
云

走筆招聞聖謨進士

年華滾滾江流急世事紛紛夢未休知汝遠遊不
愜意好來山閣坐消愁

汪石溪海天一葦卷

二首

狎鷺盟鷗脫世緣五湖風物米家船青山倒影月
在水長笛一聲秋滿天

欲行不行江日黃船頭濯足江水光夾岸好山青
近我西風又送白蘋香

小景

倚杖滄洲看月生青山無恙布袍輕玉壺沽酒來
何晚爲報先生句已成

西湖

紅船樓子載春行湖面無風一鏡平却笑遊人閒
不得半看山色半聽鶯

淳朴園彙

淳朴園彙卷之一 終



國家圖書館, NATIONAL CENTRAL LIBRARY, TAIWAN, R.O.C.



淳朴園藁卷之二

鹽官紫硤山人沈祐著

同里後學蔣薰較閱

讀嘉靖新書

今上卽位之初勵精求治遠近想望太平喜而成詩

一夜春風被不毛野人扶病拜江臯九天啓運頌
王朔萬國懽呼到草茅疎懶敢忘當世念白頭遙
望五雲高叨逢堯舜雍熙日自慶巢由臥得牢

懷諸苧村秋官



不見芩村久風雲意氣橫相看驚白髮苦思爲蒼
生堯舜業猶在經綸志已成病夫巖穴下洗眼待
昇平

病起用舊作夜坐詩韻 二首

病裏頭顱改山中歲月流艸溪門自掩花落晝長
幽水靜魚龍夜天空鸛鶴秋一竿風月好苦憶釣
魚舟

病餘頻自愛強起倚清秋水榻山雲淨柴門江水
流岸花明野渚沙鳥上漁舟落日數聲笛愁生社

若洲

飲愛竹堂得山字

不出青春暮幽尋白日閒扶筇到竹裏把酒對南
山林靜幽花落天空獨鳥還風雲是何物野老笑
談間

竹齋處士挽辭

識公海寺十年前白髮蕭蕭地上仙多病未能牀
下拜訃音驚得海隅傳青山爾獨完名逝黃閣誰
收隱行編雙桂森森各無恙剩畱餘澤照林泉

董從吾陳墨山至和韻

亂峯深雪夜猶明
尊酒留連故舊情
羨汝黃冠隨地隱
幾人瓦缶作雷鳴
時當搖落山逾好
詩到窮途思轉清
卜載相違一相見
強扶病骨覆君觥

病後白心敬齋至同登園中小山

病後誰能向草萊
力衰扶杖強追陪
十年多負登山屐
一醉寧辭濁酒杯
野艸無情隨地綠
崑花滿意向人開
陶潛老去逢三益
長日滄洲好徃來

送鄭淡泉會試

日出錦帆開
相持更一杯
蛟龍得雲雨
鵬鷲離風埃
禁柳聽鶯入
宮花醉酒回
九重應側席
端望濟川才

得鶴

耻與山鷄爭
一啄遠尋野老訂
幽盟聽詩靜
夜隨藜杖月
印寒江瘦影明

高臥

卷舒隨造化
丘壑一般春
高臥了吾事
長歌求古人
水明山月白
天濶布衣陳
寂寞誰知已
鷗來故

故頻

九日

吳地九日舊無菊今歲忽盛開南屏山去年太白山人作登高會

年年九日登高節此菊曾無此日開
茱萸屋自憐寒信早瘦藤先爲晚香來
江湖牢落成霜鬢天地荒涼閣酒杯忽憶南屏去年伴暮雲斜日重徘徊

淳朴園對菊黃山人許永州至得黃字

霜風歷歷自幽香籬下誰來刺野航
江漢美人千古酒乾坤正色一枝黃
百年心事停藜杖滿眼秋

光帶草堂敢謂寒崖獨清苦九天回首日荒荒

得鶴未幾斃於犬作詩悼之

得失期年裏其如雀算何雲霄鸞鳳遠塵世犬羊
多窺戶畱行跡聽詩憶夜過空庭拾殘羽
拭淚一高歌

題畫 爲陸宗大作

一雨水高三尺強鷓鴣鵝鵝滿池塘
山空地僻無人到木葉孤亭野日涼

豐年謠呈孫明府 二首甲申年作

去年飢荒難料理今年社酒醉家家村莊兒女賽
新服更折野花簪髻丫

晚稻纍纍早稻收鄉村處處起歌謳一種江山明
月下今何懽喜昔何愁

贈文衡山翰林

聞道紫薇郎歸來鬢未霜官除翰林院家住浣花
莊白鶴擎天遠黃花晚節香太湖三萬頃風水
文章

夏日園居雜言

八首

花事荼蘼後園林雨歇初流光一鳥過幽泥百篇
餘庭暗添新竹波跳見巨魚自能無物累敢道地

仙居

散髮卧南牕薰風滿意涼無拘心迹野久病世途
忘山鳥時偷菓林花半出墻多應昨夜雨新水滿
池塘

地僻人來少林深日自幽閒行穿竹過偶坐爲花
留蔬笋隨時有山厨不外求養生真得計高卧了
春秋

睡起無餘事科頭玩物華日斜蜂課蜜雨霽樹添
花筍迸些前土江吞檻外沙小童解生理桑下學
鋤瓜

雨過愛新爽更深猶未眠月明蛙閣閣露白草芊
芊逸興三杯後狂歌短髮前半生真一夢吹笛上
漁船

一病完吾事關門謝世紛壁間蘿蔓走籬下菊苗
分高柳綠溪綠流鶯盡日間茶爐風雨驟竹裏正
生雲

不出從春去年來懶是真丹成難濟世詩好不知
貧果熟分鄰叟尊空惱惡賓未應今日月猶有葛
天民

布穀催時雨西疇正插青病夫不辦事高坐倒銀
瓶厚業書千卷生涯艸半庭莫言無著迹恐污太
玄經

題沈君用便面

童童樹色漫寒雲咫尺峯巒暝不分此去有村應
已近數聲鷄犬隔溪聞

德齋

結屋青山下藏修不誤身自能長灑掃勿使受埃
塵夜雨圖書潤春風花草新堂堂八牕裏行坐任
吾真

送劉子方報政

北望蓬萊氣鬱葱衣冠拜舞萬邦同遙知百里民
無恙知汝三年政有功窮海悲歌憐卓魯九天勲
業待夔龍馬頭春色長安道日近紅雲咫尺中

讀潘南山尊經閣記

掉頭一笑返吾廬白日幽情太極圖海內百年無
正學江南今日見真儒巍巍岱嶽春依舊擾擾妖
氛迹已無活水直通洙泗脈方塘奚啻紫陽朱

董蘿翁至把釣得魚樂而賦詩

知己來淳朴持竿上釣臺得魚傾舊醞相對坐莓
苔時事霜顛早浮生笑口開百年君與我還共菊
花杯

同朱西村諸苧村陳勾溪宿玉泉寺得門字

野袍迎竹色拄杖觸雲根狂客遠尋寺居人已閉

門水明渾不夜泉落本同源道眼無今古臨流坐
不言

再宿吳山道院得花字

落落長松裏盤盤細路斜看山移白日把盞着幽
花野水澄秋色霜林霽晚霞相逢無一語爛醉是
生涯

壽新安程世大

春風日日酒盈樽不管流光白髮侵滿地月明歌
管沸玉驄馱醉出花陰

贈韓別駕

司寇好公子居官譽望頻盡心當國事忘勢揖
山人碧漢懸明月茅簷失病民丈夫荷世寵報似
唐虞春

湖上漫歌柬九杞山人

黑頭了生事讀書湖上亭道孤俗眼白心爽南山
青踪跡寄鷗鷺文章開日星茫然天地外一笑看
浮萍

湖上避暑楊恒叔郎中至

野寺發孤興松風生午涼振衣忘赤夏把盞竟斜
陽沙鳥閒自得水花幽夏香使君解滋味能入野
人行

閏八月九日催菊

苦憶幽香入酒杯西風籬落數徘徊野人高興因
花惱菊也何須待節開青蘂風前那可摘孤根雨
後費重培不應兩度中秋月遲我一番重九來

代菊答仍用前韻

莫謂黃花滯一杯黃花有意故徘徊敢將晚節先

時污死抱寒香向汝開影照玉泉頻自愛根連紫
硤底須培東籬采采南山近會見光華掌上來
昔聞甘棠樹今見雙桐枝雙桐與甘棠千載同遺
思

遺愛吟爲方明府

桃花新水漫清溪桑柘陰陰布穀啼數月渾忘有
官府笑攜妻子向鋤犁寒谷春風同前
高原破塊下平圩甘雨疑隨令尹車至德格天天
不遠旣汗坐見盡豐餘隨車甘雨同前

飲嶺溪頭莎草微半生踪跡愧蓑衣如今幸得霑

新化耻見旁人說舊非 里閭移風同前

月白風微露氣清
笛聲迥出柳洲亭
莫叫吹入孤山去
只恐梅花不耐聽
柳洲亭聞笛

山居 五首

天地何許寬雲山何許高
白屋四無隣一枝獨遊
遨

讀書坐茅簷
白日照心事
惟哉簞笠翁
肝膽公然異

野人忘歲年
春信梅花裏
頭白不入城
城中知何

似

溪水高三尺
漁家生意新
野鳥立溪頭
相看不避人

乾坤入深杯
細酌了生事
一笑幾陽紅
山翁又沉醉

丁亥孟冬十九日石門勾溪過叙舊

五年江海惜離羣
今夕何夕忽對君
白頭相看如夢寐
秉燭劇談忘夜分
露砌黃花寒燦燦
風林涼月白
紛紛酒杯到手莫惜醉
明月青山隔暮雲

素菴

青山擁四簷焚香坐無言
添足本非晚萬殊自有
原學道豈無用終不干
權門囂然忘所處客至呼
酒尊

長至日訪石門禪師

予病初起石門拉予入雅社座上客各欲
得一詩依韻率口應酬殆不成律

扁舟遠載一杯春
客與初陽共到門
見說海濱開雅社
不容簑笠卧孤村
滿牀清磬三更月
十載幽懷一夜言
白髮滄洲須愛惜
人間滾滾是浮雲

明秀

十年花竹病中春
深臥園居始出門
行李折梅將酒榼
放舟載月過江村
相看老鬢猶疑夢
預卜燈花似欲言
清事對牀談未了
前峯鐘磬發孤雲

從吾董道人

道誼論交二十春
白頭今始一登門
陽和已動梅邊信
寒色猶封海上村
許可平生終不負
坐忘爾我復何言
與君共有烟霞骨
明日崑崙掃白雲

董 澐

習靜齋居艸自春爲君今始啓蓬門情真自不
離吾道酒薄聊須貰近村梅早得非迎客放鵲
鳴先若向人言玄譚已慰平生願木榻何妨共
海雲

朴居孫侍御

赤手曾調玉律春笑持使節下 天門威風淨埽
豺狼道好雨頻來黍稷村白髮完名歸故里清宵
清夢進嘉言九江波浪何時息且醉牀頭一甕雲

孫 迥

一水雙峯不斷春棲遲有客在衡門塵中物色
原無我雨外桑麻別有村灑落高情輸此老等
閒真趣爲誰言東風三月成春服攜杖來看石
上雲

西村朱處士

病夫伏枕十經春長日懷君望海門忽發山陰狂
客興月明吹笛過西村尋常有約難酌約話到無
言始是言茅屋未須愁夜雨由來天際有輕雲

朱朴

溪上寒梅已露春
溪邊艇子繫柴門
沈郎病後緣詩瘦
朱老家貧祗破村
夢裏幾回虛悵望
尊前一笑竟忘言
十年兩度真嘉會
更上西樓看白雲

豐厓徐明府

老子曾藏天下春
雲霄桃李尚盈門
曾爲主司故云蕭然宦況陶彭澤
富矣篇章劉後村
海上風濤猶入夢
酒邊日月竟無言
不慚野客迂疎質
辱惠瓊瑤滿

紙雲

徐泰

山人在處滿山春
夕矣聞君自石門
十里桑麻足君計
兩峯花柳獨成村
烟霞伴侶懷三益
魏晉風流見五言
嘉會野堂驚歲晚
便須來泛硤中雲

南溪吳憲副

潏潏陽和在在春
聲名早已著金門
謝安正切蒼生望
元亮難忘栗里村
夢本非真真亦夢
言能載

道道無言不應便着蓑衣去占斷滄溟萬里雲

吳昂

水仙花載破中春短楫翩翩向我門詩草贖傳
湖上景德星遙聚海邊村憐予磊塊十年事到
得相逢無一言珍重此來曾有約持杯笑指華
山雲

勾溪陳山人

頻年卧病不知春肯信孤舟夜叩門勾曲桑麻三
畝宅桃源鷄犬一家村浪仙未必知三昧劉老從

來擅五言莫把酒杯輕放手半生望斷嶺頭雲

陳鑑

梅雨偶尋西郭春不知舟楫到柴門卧龍待汝
長懸榻招雀無憑却出村久別客衣江上把相
逢杯酒病中言荒郊不倦重臨典更歸溪堂半
畝雲

東濱徐太守

杏花曾醉曲江春未老投簪向鹿門聞說開堂臨
綠野應須騎馬到沙村

沙村徐孺子所居借用唐人句北牕白日

惟高枕庭草春風不盡言爲報舊時猿雀侶歸來
不負北山雲

徐 咸

美人來探梅邊春惠我瓊琚夜叩門典發青蓮
新下榻舟移紫硤舊居村久傳秀句兼三體浪
說長城是五言暮歲獨憐相見晚梅花明月笑
披雲

南野朱上舍

諱漢字天章

雪晴梅蕊動江春幾載相期始到門客子舟維通

德里主人家住浣花村迂疎已分爲時棄懷抱何
慚向汝言回首壯遊真是夢莫教輕負故出雲

海村劉衛使

保陣東南二十春清霜白日肅轅門一戈直欲空
沙漠長揖歸來臥海村萬里耕桑春有象千山矧
翹夜無言出師聞說勞 宸慮怒氣秋橫五嶺雲

劉 銳

至日陽回梅柳春容星光彩動衡門十年病裹
山中足一日來尋海上村戈鐵自橫邊塞月琴

絲如記水雲言時平好結東林社共借松堂五
畝雲

西臯鍾太守

遠問梅花海上春杖藜初候李膺門豈忘獻納麒
麟殿爲愛棲遲水石村酒熟每同漁父飲詩成或
與野僧言山雲本是無心出況復年來懶似雲

鍾梁

山人獨占兩峯春二十餘年懶出門今古衣冠
原一氣海鄉鷄犬自成村扁舟遠過知溪愛老

我無能感至言明日送君江上去離離寒樹動
春雲

龍山祝明府

律回寒谷盡生春不愧徵書到縣門

祝時值
欽取擔上

行囊惟一劍馬前啼哭動千村已知所學須今日
更喜君明好直言千載一時林錯過萬方龜坼
待爲雲

祝繼臯

投老東林四十春麻衣不踏縣官門釀成白酒

都留客買得青山半在村吟裏烟霞堪自適耳
邊榮辱底須言歸閒我亦漁樵伴共爾溪風與
嶠雲

石林英上人

歲寒松竹靜含春兩度來敲月下門臥病幾思尋
海寺封題屢辱問山村酒杯淡夜還同抱白髮幽
期不負言從此去來寧有限笑看野鶴與孤雲

子英

煙霞臥病十年春喜爾仍過竹下門雲淨白袍

聯石榻月明短楫駐沙村夜寒杯酒延深坐歲
晚詩篇得細言試掃香臺且畱戀更陪藜杖共
看雲

古松陶將軍

扁舟百里遠尋春斜日疎梅引到門五柳溪邊陶
令宅百花潭上杜陵村深杯只欲淹吾坐佳句都
將向客言今夜月明偏好看碧天萬里絕纖雲

陶炳

好句聊憑麴米春興來自啓薜蘿門扶藜小試

沙頭路待月重過海上村且喜巖花還帶笑莫
疑野鶴不能言漁樵隊裏閒踪跡依舊青山有

白雲

墨山陳畫史

憶君江海動經春折得梅花便叩門杜老詩工竊
作崇朝川景勝画成村喜無機事瞞人作盡吐平
生對客言醉掃崑崙持贈我滿堂風雨漫寒雲

陳詢

夢裏風烟紫硤春三年重叩李膺門喜看病後

人如玉不遠來尋雪後村何處歲窮猶有客故
情懽極更無言雙峯又報將春色好向瓜田理
白雲

鶴舟王隱君

病時多負杖頭春病後誰能復杜門忽憶故人王
處士不辭百里問江村深杯到手寧論醉萬事由
天底用言與汝買舟同載鶴一竿閒釣五湖雲

王朝縉

硤中臥病動經春花竹深深淨遶門老我久疎

貧亦病羨君高隱市猶村丘園數畝惟幽事珠
玉千篇總至言安得滄江問孤鶴還期一宿艸
堂雲

井南朱山人

梅花忽動隴頭春舊雨飄飄今到門兩夜喜同湖
上月十年愁絕鴈邊村一杯醇酒飲君德滿口烟
霞飽汝言日暮笑辭陳處士笠頭猶帶華山雲

朱 杲

竹爐封火坐生春契濶情深自掃門歲暮有懷

勞雪舫月明無酒問沙村病淹白日驚衰鬢義
重黃金辱贈言石榻不嫌叢桂冷篝燈同臥北

山雲

明谷山人不遇

長髯老子遠尋春短褐山人空到門雙屐踏穿黃
葉徑誰家犬吠夕陽村病餘知己惟君在老去幽
懷孰與言不有論文來慰我江東望斷杜陵雲

王 洪

水煙籬落淡藏春一帶清溪照白門爲乏隣僧

能送米却尋知己下江村園中疎竹堪畱客座
上青山亦解言混沌翁來吾不媿天行無意只
如雲

玉芝上人不遇

風塵混混送青春垂老纔求不二門見說阿師曾
悟道踏穿雙屐到孤村欲看淨業尋無迹試問梅
花笑不言一杖空來又空去白袍寒映四山雲

六一道人不遇

着意窺春不見春歸來明月滿柴門瘦藤只記湖

頭路曉夢忽牽何處村醇酒未嘗先已醉梅花意
了却無言仲舒自是西都傑事業唐虞一點雲

答橫溪春塘

多時不探武原春想像溪塘夢到門流水一灘鷗
近席綠陰滿地樹連村坐忘歲月渾無我興到風
花賸有言醒後鹿蕉成一笑衣裳只覺濕寒雲

戊子元日 二首

四十一番看好春梅花濁酒舊柴門青山座上長
相對藜杖年來懶出村西華先生惟愛睡漆園傲

吏漫空言病餘自喜饒生意芝草闌干長白雲
滿城撾鼓報新春人臥空山獨閉門短楫長纜窮
措大桃花流水古漁村嗒然自信能忘我隱矣何
須更立言一笑年年生意在酒杯明月杖藜雲

東溪

東流原混混坐對欲無言秋影雲常濕寒光夜不
昏樹深山帶暝天淨月留痕得句鷗羣下呼童洗
玉尊

社飲得月字

山人偶出山一笑將何適手把古梅枝來訪海濱
客海濱有幽期邀我同讌集愛此座上賓欽欽示
容德時當芳歲徂庭宇殊蕭瑟醇酒正宜人良會
不可失爲懽復幾何長江送殘日

王橫州歸政

青山萬里五湖舟水色嵐光照白頭春雨聽鶯歌
伐木月明吹笛下滄洲廟堂不療燴霞癖歲月新
添海屋籌莫謂彼蒼孤伯道明看丹桂一枝秋

燈夕赴吳憲副招飲

憲府速觀燈煌煌海上城馬行千炬裏鼓疊萬家
聲痛飲酌佳節題詩紀太平笙歌且停響玉漏已
三更

獨坐 二首

萬籟坐中消青山共寂寥人情空碌碌誰道暮還
朝

一炊夢何短千歲慮何長我今渾忘我西嶺自斜
陽

過西湖同宏甫南仲

湖上遠幽尋春風吹客襟好山如歎我流水本無
心晴日花光亂繁鶯柳色新同遊有佳士時復話
松陰

可齋

已悟未悟形恍惚欲到木到情縻寧寸心白日聊
無愧聖秘賢關或未能

寄襄陽徐東濱太守

淮陽臥治已成功當道飛章達 九重 宵旰十
年猶側席唐虞事業符夔龍

明谷山人見訪

故人千里欸柴扉萬竹陰森著氣微會合且傾松
葉酒行藏無媿芰荷衣道心空水閒相照世事浮
雲已覺非南去北來同逆旅莫愁明日又分違

東戴雙湖州守

雙湖霄漢士回首愛丘山名完身早退道在意俱
閒不見同袍客風塵損壯顏憐君鴻迹遠矰弋詎
能攀

贈朱野塘

我憐朱畫師白幘芰荷衣平生縱揮灑妙處奪天
機巫峽忽在眼瀟湘雲欲飛山魈一夜泣風雨失
巖扉

中秋宴朴居柱史宅次韻

乾坤落落布袍寒白首相逢且盡歡況復中秋好
明月不妨深夜共闌干傳書每恨江湖遠對酒猶
憐會面難已信青山終自老却將軒冕一塵看

贈李東墅

瞳瞳曉日動林臯春入田家生意饒野老終身自

巢父 聖朝今日卽唐堯慣延賓客開三徑笑引
漁樵共一瓢曳杖出門探幽事黃鸝啼上檻前梳

早發之武原

早發星猶在詩狂奈爾何敝裘寒不怯邨酒自能
歌山影參差出雞聲遠近多澄江上紅日十里漾
金波

五畝山賞月用陽明先生句起興孫朴居蘿
石雪江同賦

林間孤月坐黃昏老桂飄香滿石門霽色東南看

有象浮雲西北已無痕清時獨抱文園病白髮能
辭惠遠尊自信滄洲終不負十年吹笛釣魚輪

秋谷

亂石閉寒雲秋清落葉聞偶因采芝出淡入鹿麋
羣

九日喜溪翁過

九月九日黃花開喜逢故人同酒杯對花把酒莫
惜醉流光白髮長相催風前木葉苦無賴沙上鷗
羣去復來君看青山不愁思年年相對只崔嵬

九日與沈紫硤雙峯登高

陳鑑

層崖短幘心猶在落木長江氣不昏
白髮幾回同令節黃花此日又青尊
高鴻南去迴衡嶽衆水西來下峽門
笑插茱萸渾不醉浹雲晴日看

秋原

送從子龍往滇南提舉

二首

王事皆吾事滇人卽我人
丈夫須努力隨處是通津

落日離亭酒春風象郡花
桑弧男子事四海總爲

家

送盧少府北上

三首

六載蕭蕭只舊貧守身誰似使君真
一廉惟恐人知我撫字長將子視民
彩鷁明朝行色動茅簷昨夜哭聲頻
海陬鷄犬纔安堵欲叫天闔借寇恂

口碑昔日已題詩

父老曾作口碑卷頌公德

述職於今重綴辭

老眼荒荒似公少使君得得在天知
官清廨宇長如水俸薄妻孥屢受飢
浮世是非堪灑淚誰將民悃達
丹墀

曾記籠鶯問艸廬使君風致古人如一裘敝盡聊
遮體食肉無緣祗戀蔬廉介只今無此老銓衡何
日見吹噓病夫落日窳崑下倚杖無言仰太虛

近竹十二韻

滿目翠交加參差一徑賒倚倚是何物故故近君
家入座雨聲碎推窻雲影斜宜鑄杜陵句堪煮玉
川茶況復臨清澗仍兼暎美花四時清不斷終日
興無涯瑟瑟生靈籟紛紛散月華涼颺忘熱惱幽
意愜巾紗正憶相尋處柴門俯白沙還期把袂日

木榻就青霞杯面欲浮色籬根已拆芽釣竿并拄
杖一任野夫奢

董蘿翁折芙蓉盈把見訪

從吾道人雪滿簪芙蓉盈把遙相尋空山忽漫生
幽思濁酒應須共醉吟已惜滄江時序暮仍愁上
苑雪霜深美人天遠憑書寄臥聽秋風鴻鴈音

雜興 三首

兩鬢白已半一年秋又過山厨蒸紫芋野飯試新
禾殘葉隨風盡空庭得月多前村社鼓裏夜半聞

巴歌

九月清江上芙蓉十里紅回看桃杏樹一一萎霜
風消長有至理造物本來公居然榮瘁外輸與澗
邊松

昨夜秋風惡門前落葉深如何有佳菊滿目爛黃
金林宇蕭疎際冰霜獨立心柴桑一杯酒千載仰
知音

輓敷上人

廣福高僧已白頭笑攜錫杖作西遊禪機透徹半

千戒緇教宜當第一流覺海龍飛開呪鉢梵天月
冷望虛舟重來獨對西窻雨禁得三生此夜愁

獨逞

萬竹隱嵩扉深雲護釣磯有懷長獨徃得意每忘
歸木落秋容淡天高鴈影微衰年兼疾病轉與世
情違

獨酌

持杯笑向菊花枝幽興滿懷長自知浮世幾何須
縱酒青山無日不宜詩江湖廊廟從所好樂道憂

民各有時裊裊長竿拂煙水冥冥霄漢一鴻飛

心月歌

爲星士姜元吉賦

昨宵看月月正圓今宵看月月已偏何如道人心
上月無明無夜長嬋娟雲霾不生光爛吐照遍軋
坤照今古世人一照了一生眼前之事安足數眼
前之事安足數

盧西湖過辭山中兼惠書畫

盧老居官貧到骨可堪屢惠向詩人今朝別我上
京國忍見攀轅泣吏民杜母再逢誰作傳錢清下

古水畱神廟堂甄拔夔龍在寵命行看出 紫宸

十月一日 三首

怪爾東籬菊含香故未開淹畱九日酒不道孟冬
來

江邊桃李樹開花無數新相君妙燮理十月已看
春

十月禾纔熟紛紛刈穫勤兒童爭拾穗老子喜嘗
新

雨晴

江村圖釋
三六
秋來常苦雨既雨卽開晴農事仍無阻園蔬藉爾
生離離錦樹色汨汨野泉聲歲稔多遺粒喧呼鳥
雀爭

獨坐

空庭獨坐久詩思共秋清明月正好看浮雲休更
生萼絲迎筋滑菊瓣落杯輕已脫形骸外年來不
用名

殘葉

殘葉落欲盡秋風不定吹豈知衰謝日却是發生



雪中吳 泓過 二首

溪上梅花凍不僵
溪頭積雪三尺強
是誰剩有山陰興
獨載寒光向艸堂
密密疎疎整復斜
四郊一白皓無涯
門前喜有先生履
屋下能無學士茶

吳東澗過

有客問蒿萊
蓬門試一開
臘隨殘雪盡
春共故人來
世外烏藤杖
梅邊濁酒杯
相逢須痛飲
容易鬢毛摧

送社長吳南溪之徐州兵備任

江亭柳色照雙旌一路春隨馬首生都道建封重
按節更憐黃石最知兵望中龍虎障雲卷坐上風
雷號令行帷幄卽今多廟算東藩從此有長城

新春紀興

小閣春風動孤梅靜自妍只緣人懶散轉覺地幽
偏手自移花種兒能辦酒錢門前廛市路不踏十
三年

飲酒

此翁四十二白髮滿頭生有酒不痛飲百年空復
情花前歌酒德花下覆春觥客至談時事陶然未
解醒

送何明府遷地官郎

喜看墨綬重宣化忍見除書遽 召歸百里元
非大賢路鳳凰終向上林飛謾憐赤子牽慈母共
仰中天護太微後夜茅簷思無盡甘棠花發雨霏
霏

送陳以仁扶母櫬還闕時父司教海鹽

擾擾紛紛總路岐獨憐此路行人稀百年情事何時盡萬里銘旌帶雨歸烏鳥行邊聞夜夜白雲望裏見飛飛誰知遊子千行淚濕盡麻衣問彩衣

夜歸

四十無聞此布衣浮雲回首意多違偶從田父掌春酒却與漁翁共夜歸的的梅花迎拄杖盈盈月色照柴扉年來只覺山中好況復山中機事微

卽事

今朝檻外鷗鳧喜昨夜池塘春水生便覺山中回

氣象卽看花柳媚新晴

送社友鍾濟南改任南昌

海門日出錦帆開更挽闌橈盡一杯數去乾坤皆我事由來經濟待雄才已知東魯聲華舊會見南昌 寵命催 聖主只今重師帥野人終夜望三

台

淳朴園春日

景像入幽偏青山共晏然野花承雨露谷鳥換風煙艸長渾無路松高不計年莫非箕穎地高枕樂

堯天

混沌翁 自題

東海白頭翁浮雲世念空
酒邊消甲子柳上識春風
閒抱孤筇出偶與至人逢
相看各無語一笑意還同

輓董母

蘿翁內子兩湖乃堂

挾薪戴畚老猶勤東抹西塗總失真
蘇軾文章因母教老萊隱德藉妻新
分燈夜績西牕雨采藻時行古澗
春陟屺百年期色養烏啼月落正愁人

題素扇

是誰劈破一輪月
播出清風三伏寒
爲見世人趨熱地
故將熱地冷相看

壽陸君美

廷尉陰功大宣公屬望崇
兒郎連擢桂老子漫乘驄
長揖歸來好高歌樂事濃
種桃東海上聞與赤松逢

向晚

向晚啓柴扉西風到薜衣
浮雲無定色落日有餘

暉野外農談寂江邊漁火微如何有鳥鵲啞啞不停飛

中秋石門招社飲次韻 二首

圓缺無常會晤難兩年今夜石門看地幽更覺金波爽天迴誰憐玉宇寒

幾處相望相見難共憐良夜復同看坐中杯酒星河近露下芙蓉江水寒

仲秋廿日同句溪石林泛宋湖宿妙光菴

湖上放船好乘虛入淼茫中流逢古寺爲我埽禪

牀帆度簷前影波搖几上光白鷗天蕩蕩隨意倚斜陽

懷從吾道人

董子知何許寒暄惜鬢毛桑榆西日短鴻鴈北風高濁酒誰同把新詩老叟豪看花曾有約空向望中凋

句溪石林見訪用唐聖言韻

滄江八月芙蓉開詩客高僧竝棹來石壁斷霞留暮景薜蘿涼月照深杯情真只覺青山好吟苦從

教白髮催舉世有爲皆夢幻看花誰道是空回

書張無垢先生譜後 二首

龍沙子規啼不休黃埃蔽日英雄愁孤忠耿耿終
何事庾嶺烟霜十四秋

閉門著述了窮愁白髮蕭蕭志未休雲翳豈能傷
日月江河千古自東流

草玄堂

春秋不讀讀何書草得玄成義亦疎萬古綱常懸
日月大夫風彩近如何

贈封生 二首

龍躍雲津未東南賴俊才十三鷗鳥賦不數褚生
來

朝陽鳴鳳遠東海躍龍初竟日阿戎語新聞豈故
吾

淳朴園稿卷之二 終



淳朴園藁卷之三

鹽官紫硤山人沈祐著

同里後學蔣薰較閱

庚寅立春日

春風昨夜吹茅茨屋頭梅花開數枝釣簾晏坐自
得意對酒把杯還賦詩巖壑幽懷麋鹿共江湖遠
意鬢毛知憑誰爲我招黃綺山谷何年無紫芝

春曉

山翁侵晨闌竹扉湖頭水生鷗鳥飛朝陽弄色柳



條變凍雪欺樹梅花微詩篇聊爲歌清世野性終
須臥釣磯四十無聞髮白盡浮雲世路覺前非

送張明府遷苕溪二守

先任祠部正
郎論事左遷

去去一舟輕寒江雪正晴陽和畱不住艸木重合
情獻納功猶在風塵意未平直須還汲黯四海慰
蒼生

雨

濕雲低壓屋新水遠連天歲朝并穀旦俱墮雨聲
邊野草青無賴江花寒可憐農資仰薶麥莫遣浸

春田

暮春載酒社集

扁舟百里載春風未許青山冷桂叢洞口桃花莫
相笑蕨薇偏飽紫芝翁

春深

柴門連竹樹溪徑夾桃花地僻無人過鶯啼到日
斜風塵不入夢泉石獨爲家飽飯將何事春深欲
種瓜

送蔡汝信進士還

京

蔡吾鄉人也
僑居於燕

客舍并州熟離亭小雨晴十年行道夢千里故鄉
情山抹秋雲重波搖落日明長安不可見把淚送
君行

曹明府報政

百里望風歸德化六鄉無地覓澆頑丈夫立事已
如此眼底看來真等閒白日放舟須報政長天倚
劍獨開顏海陬莫訝經行速堯舜君民又緊關

東山攜妓圖

明月不長圓白雲易來去毋令落木風吹動薔薇

樹

松溪

溪上多松樹松根開艸堂重陰覆亭宇曲檻俯滄
浪瑟瑟聽不厭源源流正長短童抱甕入巖下挾
苓香

過太白山人墓

斷烟宿草近黃昏下馬空尋處士村脩短大都還
造化山川光彩藉孤墳江湖遠意聊詩艸天地無
慚只釣膺曾記書來促相訪一杯和淚灑寒雲

上巳日社集

青簾畫舫動春暉
遠向滄洲問草廬
諸老聲華天下士
野人伎倆海邊漁
情真不愧杯盤薄
艸莽焉知禮法疎
只覺陽和滿空谷
東風三月萬花初

附

董 漑

白賁坊隅春日遲
紫微山色遶園池
小車隨鹿來花徑
孤墅聞鶯近柳陂
海上人文猶洛下
古來脩禊卽今時
年衰未覺風流減
鼓瑟南湖更咏詩

朱 朴

何處尋遊花正開
紫微巖下小池臺
青山不負新年約
白髮重聽舊雨來
三月苦寒催熟食
兩峯高興引深杯
臨流却憶蘭亭事
便欲劖詩掃石苔

陳 鑑

三月三日社客來
園明竹碧桃花開
禮筵壺矢傍春日
酒興簾幙生池臺
魚鱗細荇動碧浪
馬過番楊飛紫埃
玉瓶對花飲不醉
斜陽未落山

崔嵬

徐泰

爲園淳朴志曠達抱病猶能著友騷洗盞忽逢
諸老過捲簾更覺兩山高盤盤徑竹翠埽榻的
的巖花香拂袍池館魚龍驚欲起夜深星斗動
寒濤

明秀

清泉曲徑迴蔬圃錦石寒花隱竹籬再拜已忘
相問病此生重得更論詩將來歲月天畱與欲

去江湖路未進一臥硤西淹十載兩峯明月故
人知

偶興十首

客星在天地自屬不屬人富春先此意北山徒亂
真葛巾風飄飄道韻何肫肫長嘯揖紫硤抱子三
千春

祖龍素貪酷浮海求安期良田旣如此靜業將焉
施樓船望不返沙丘身早萎道心照萬世笑問神
仙誰

宋人得燕石韞匱誇至珍卞和逆血流徒來二主
喚茫茫宇宙間久昧假與真有寶敢輕售去去空
山春

涼風灑六合灑氣生吾廬青蠅爾不悟營營將何
如鱸魚時正肥采采黃花初倚樹看雲物日午頭
未梳

芒鞋散幽興縱目東山巔金谷委叢棘首陽高插
天萬古一長歎永言思前賢玉顏不苟嫁重門閉
華年

落日乘漁舟中流待明月月來人影孤歌長噉壺
缺埋劍不掩光德星射天闕吾道正妨時還山採
薇蕨

得句山月高長吟山月低興味不同人高懷長日
攜君看被金紫努力 天門西野人衣百結乾坤
閒品題

鼓刀壯氣萎版築顏色衰志士不逢時不如屠販
兒一朝吐經濟六合生光輝豈無道德士所病知
者稀

黃鍾棄道側瓦缶聲嗷嗷盜跖致高位顏巷生蓬蒿寂寞一時事今也誰爲高長嘯抱斯道富貴真鴻毛

呼酒坐盤石獨酌山花開騎鶴入虛無逐鹿爭塵埃出處各有時顯晦從天裁巢由與舜禹何埃客星來

失題 三首

有爲不問年高下聞道仍論學後先一笑相逢各無語江流不盡月長圓

旁午雲開島嶼明桑陰野雉寂無聲山中莫道無周孔童子依然識送迎
白首茫茫苦未休紛紛都向見聞求何人喚醒千年夢不廢江河萬古流

觀書

雙睫了遺經白日見心事掀髯一笑餘聖賢豈吾異

懷竹 二首

憶昔雲連座於今月滿堂有懷終耿耿淚滴楚江

長

暝色上簾鈎西風生夜愁可憐軒外月不似舊時
秋

杪秋朴居棠陵至

繡衣皂蓋攜家醞與客聯翩過艸堂人物百年關
氣運江山此日藉輝光紫芝燁燁聊充饌黃菊娟
娟細引觴且繫仙舟莫輕發兩峯正好是斜陽

題宜晚軒

竹裏掩柴扉攤經趁落暉認巢雙鶴下乞食一僧

歸隔樹泉光亂穿雲月色微上方鐘磬動香靄正
依依

杞軒醫士

茅屋依山麓蓬門就杞叢壓簷低夜雨蔽日暗春
風歲歲生涯好枝枝滿意紅盈筐勞採擷畱爲起
疲癯

南泉秀才過山中有贈

瓦盆盛酒坐芙蓉信信畱連一笑逢雅量爾如黃
叔度迂疎我愧郭林宗三朝霧雨看文豹萬壑雲

海村圖
霄老臥龍窮達在天修在已少年文史足三冬

樂耕

飲犢向前溪雨深桑葉齊爲農本吾事隱計信山
妻酒熟花連座鳩鳴水滿畦隣翁邀社飲聊爲過
村西

蘿翁欲建鐘樓久淹湖海因寄小詩翁時年

七句有二

董老仍飄泊高年奈爾何鴈鴻天外斷雲樹望中
多殘雪經梅柳薰風到芰荷給孤功業大不問夕

陽蹉

送舍侄再徃五井提舉

錦帆日麗浪花平老子扶筇一送行萬里雲霄路
無盡九江舟楫去還輕秋風鴻雁天邊影夜月哀
猿枕上聲自信王尊終爲國肯隨兒女重離情

碧山

我識隱君家雲深石徑斜谷風吹薜荔林雨長苔
花崑壑意自在烟霞淡不譁月明松影亂歸鶴認
巢差

雪

雪勢晚猶密，鉤簾望眼新。
重欺梅骨瘦，寒引酒杯頻。
脈脈斜通竹，飛飛遠趁人。
豐年勞作意，一爲念懸鶉。

柏亭吟悼四明徐大器父

頻年獨立撼風霜，古樹幽亭暎色涼。
老幹已隨龍變化，孤根未許世低昂。
月來無復簷前影，雨後空聞夢裏香。
宿艸綿綿懷蔭庇，夜寒風急況啼螿。

沈一之席上限韻賦詩

澄江渺渺接遙天，疎樹離離帶暝烟。
千里幽期雙屐下，十年飛夢一燈前。
雄才合慰蒼生望，妙句何妨野客傳。
高興在君歸去得，江臯三日刺漁船。

秋日有懷石林虛堂月泉諸詩僧

多時不見東林伴，滾滾離愁落日前。
紅樹晚山雙目短，洞門寒雨一燈懸。
惱人風彩空成夢，速我光陰祗自憐。
安得茶杯香篆裏，與師接膝坐談玄。

登高

九日開尊硤上山，危崖高磴漫躋攀。
客依紅樹停

蘇杖僧傍白雲開竹關天入長江流不盡老欺衰
鬢看成斑黃花向人有真意莫放花前酒社閒

落花 二首

風掠高低樹鶯啼遠近村池塘深暮雨芳草易黃
昏

遠水流不盡長風歇又吹到頭還未悟猶自惹遊
絲

愛梅

戀影坐殘月憐香立盡風興來三百首不覺一樽

空

歲晏

山中罕人事歲晏有餘情手弄江梅盡坐看春色
生烟霞藜杖健泉石布袍輕會拾金光草相隨麋
鹿行

柳莊

手記栽楊柳於今拂地垂到門風裊裊入夜月絲
絲儘好供吟弄何曾管別離抱竿高蔭下終日飽
黃鸝

答車廣文 二首

焚香晏坐了清晝
擣藻採蘄畱好春報答
皇家
有何事卽看桃李滿門新

夜來林壑時雨過
曉起池塘新水生
獨立東風玩
春事四簷喬木鳥嚶嚶

幽居 二首

獨木爲橋水遶門
脩篁千箇自成村
白頭不省人間事
長日熙熙坐弄孫
一枕黑甜盤古夢
半簾晴日落花風
凭闌意到了

無語白鳥飛來江影空

許惟高過問草堂別後有懷

一臥經年感二毛
有誰移棹問江臯
病中見汝殊
強健枕上思君更覺勞
濯濯風神三月柳
滔滔文思九江濤
秋風有約重攜手
滿把黃花醉一瓢

東溪 二首

門前日出波走光
浮嵐壓樹山蒼蒼
客來一笑有
真意呼酒放船溪路長

新水初平舊釣磯
東風啼鳥落花飛
鷗來似與人

添伴地僻仍愁客過稀

晏起客至

幽居懶成癖客至未梳頭日出嵐光散林深鳥語
悠還同看竹坐聊爲煮茶畱去住君休計浮生水
上漚

贈三峯俞文學

江南有傑士浩氣凌青冥一笑出斗酒相對吐平
生感時歌慷慨孤憤欲騫騰八月天風便終搏北
海鵬

陶將軍許惠白牡丹遣此奉迎因思與將軍
久別不勝戀戀末語及之

嚴侯贈我魏家紫連歲開花殊可憐明朝更有陶
侯惠潔白喜與仙人便爲懽若去八年病迎逐能
辭百里船力疾荷鋤瞻北斗主人一別會無緣

後溪

新水初平舊釣磯前山啼鳥落花飛鷗來似與人
添伴地僻寧慚各過稀已許漁竿酌野性敢忘物
色到蓑衣得魚沽酒歸來晚星月滿天搖竹扉

丹泉行爲唐聖言賦

君不見雲頭瀑布高千尺寒吼玉龍夏飛雪又不
見泉頭結屋是誰家散亂臨流弄明月斜光不定
搖荆扉山童洗藥猶未歸半灘寒影流不去蒼崖
百里眠蓑衣長竿短楫本吾事仰面看人真可鄙
泉兮抱爾終吾生遮莫雙丸自來去

小景

鹿渡澗猶渾林深路不分客來雙屐雨人臥一山
雲

輓孫朴居侍御

張翰歸來早陶潛逸興多一杯同野老無日不高
歌江漢餘篇翰雲山鎖薜蘿援琴重拭淚其奈故
情何

題畫 二首

山頭月出如可呼天際浮雲還有無拂衣一笑且
歸去溪風滿面吹長鬚

細水迴塘曲曲通綠簑涼動樹頭風五湖不盡鳧
鷺興天入滄浪一釣篷

懷怡晚翁

拄杖尋常問草堂白頭意氣尚飄揚于今寂寞重
泉隔瞥眼西風又一霜黃菊載逢誰對酒青山有
恨自斜陽浮雲朝暮成今古隣笛無聲亦斷腸

三峯宅對菊次全溪韻

籬落斜陽照暮秋杖藜一笑爲花畱清尊作意勞
相待白髮風情老未休自許孤標凌物表可無高
節壯林丘歸來兩袖幽香滿莫笑山翁是浪遊

雲崑

從龍功就澹無痕古樹斜陽逗石門莫謂靜時無
一掬只看動處滿乾坤萬方正切爲霖望庶物猶
需沛澤恩巖畔遲遲依倦鳥不將舊事楚王言

黃勉之明水草堂和王濟之閣老韻

湖上覓柴門菱花水鏡分舟橫孤嶼月人臥一堂
雲漁父元知道庖羲不事文闌干俯虛碧長嘯起
鷗羣

原韻

王鰲

虎阜峭奔入天平秀特分軒窻通映水几席欬

生雲讀易已忘易攻文不倚文閉門方習靜非
是故離羣

同和

孫一元

艸堂臨野水苔積路難分枕簟虛山月琴尊度
海雲嗒然真得道隱矣不須文長日少人跡門
開鸛鶴羣

訪錢緒山

相見不作語天風吹道顏一官居散地長日獨看
山玉宇雲光淨空庭月色閒鐘鳴牕送曙萬戶漸

問謝

重遊虎丘山

前度招提客重來白髮餘溪山因地勝草木入秋
疎泉落寒潭淨鐘聞碧殿虛上方多古蹟斷壁有
秦書

宿千峯秀公山房

杖履尋幽寺到門山月高佛燈明晝日僧梵撼秋
濤處世只益醉浮生空自勞千峯雲臥熟松影落
山袍

壽東莊野叟

老丈行年八十秋不曾長揖謁公侯金杯夜月歌
青桂錦瑟春風醉白頭歲月有詩酬景物乾坤無
恙臥滄洲野人載進岡陵祝幾見東溟清淺流

社長吳方伯還山

瀚海收蓬日桑榆對酒時勲華青史在進退老天
知野鹿隨藜杖山僧贈紫芝載歌叢桂曲不負白
雲期

睡起 三首

紅日滿庭戶朝來睡覺遲那知真樂地不問鬢毛
衰錦樹迎孤楫輕風動釣絲古今同一夢閒處是
便宜

萬卷徒遮眼白頭今始知鈞簾晏坐處隱几獨醒
時彭澤一杯酒商山數着棋眼前誰省得我信我
無疑

曉起意自好怡然引一卮有言皆是贅六籍亦笑
爲輪扁難傳子元公不假譚兌闢得新句春到早
梅枝

贈醫士邵廷惠

懸壺市上活人忙，曾得龍傳海藏方。
鶴背歸來天欲曙，一聲鍊遂月蒼蒼。

送蔣明府入覲

盡道君侯不愛錢，許身期在古人先。
九江舟楫洪濤裏，百里謳歌化日前。
盛世未除司馬淚，濟時須急祖生鞭。
馬蹄秋色長安道，日近紅雲咫尺天。

送舍侄道卿講學

萬事有代謝，斯心無古今。
由來賢聖地，都向此中

尋月好，纖雲淨。天空衆籟沈，惺惺恒不寐。
穩步到堯庭。

西坡小隱

坡老荆扉帶夕陽，樹深山色晚蒼蒼。
白頭抱甕忘機事，青眼看山閣酒觴。
夜雨桑麻餘野服，秋風禾黍足官糧。
黃鸝紫燕身如葉，恰恰喃喃有底忙。

坐

靜久心無事，臨流坐不歸。
嗒然吾喪我，落葉滿山衣。

睡

白日落高枕煙霞長道腴客來聞鼻息蝴蝶正蘧蘧

春亭爲蒲田陳元父作

愛爾幽亭好春風長道心茅簷圍竹色曲檻臥花陰
已分孤鴻逝誰言萬壑深蒲中足形勝問字許相尋

題回

萬頃煙波一釣輪好山長對笠頭青瓦甌盡倒醉歸

去欵乃自歌還自聽

寄朱侍御

驄馬行春勢若風豺狼無地可潛踪憂民早致千
莖白報國終存一寸紅經世文章推仲晦中典
禮樂待周公隣封共戴光天下舞破箠衣滄海東
和南溪方伯韻

野水平於席籬根縛釣船幽情詩卷裏心事野鷗
前木葉秋江淨簷花夜雨懸敢忘當世念苦被好
山牽

碧泉

一脈通源化泠泠近竹聲碧連瑤艸淨紅泛落花
輕洗藥搖天影煎茶帶月明仙家知不遠何處問
蓬瀛

月公小影

鳥鳴春雨晴綠遍門前草山僧不出山只向山中
老

竹泉

一泓秋影流不去晴日雨聲何得來手弄潺湲坐

蒼雪玉龍倒掛鳳飛回

鐵龍僊館

野館四無鄰秋清鐵笛聲千峯石欲裂萬壑鳳齊
鳴塞北愁雲合湘南冷月明懷人不可見一夜二
毛生

雪潭

崑崙天入野何處辨郊原曙色虛生白寒光夜不
昏暝雲明宿火饑鳥上漁輪隔岸香風起梅花引
到門

還無知金

籛司吏以白金伯兩寄構李聞人君瑰家
吏抵省暴卒所寄金他無知者君召其母
歸之

屋漏無慚夢亦安肯教外物污心官獨憐孝肅千
年事僅得聞君此日看冰鑑倚雲秋色淨玉壺盛
月夜光寒公卿滾滾寧無自只在人生一念間

讓應得產

聞人君祖居歸于兄別業讓於弟承父志
也君空無所受弟天無後兄命君居之復
讓於兄之次
子以承弟祀



唐家舊事客休譚
手足傷殘血未乾
諾重樓遲肯顧
屋廬寬東風棠棣
春逾好長夜椿
萱死亦安莫怪畱
連歌此曲首陽高
致要人看

湖波石室

湖盡逢幽寺雲開見遠山
草深林日靜花落洞門
閒野意僧先得玄機我獨攀
菰蒲淨秋水倦鳥莫
知還

竹

掃門風箇箇灑地月
杖枝對爾渾忘我
奚來俗可



可醫

輓白心老人內子

挾薪戴畚不辭勞肯向西風惜二毛自信黔婁有
餘貴心知子伯未爲高寒燈破壁遺殘績夜雨空
房立緼袍懿德彼蒼元有報會看孫子列時髦

我愛吾廬好 十首

我愛吾廬好地偏深艸萊澄江雙鳥下曲檻數花
開客去收碁局僧來共茗杯鹿門終隱矣猿鶴不
須猜

我愛吾廬好林深客過稀渚雲依竹靜沙鳥拂簷
飛半世慚書卷頻年飽蕨薇鹿門終隱矣世路足
危機

我愛吾廬好峯危石徑欹埽雲迎客遠煮月汲泉

進

埽雲煮月
山童名

江漢淹舟楫風塵長鬚絲鹿門終隱

矣浮海拉安期

我愛吾廬好巖扉夜不關鷗鳧分釣席麋鹿共青
山流水無今古浮雲自往還鹿門終隱矣長嘯出
區寰

我愛吾廬好超然隔世氛挾書聞鳥語洗硯散鷗
羣雨過簾高捲花繁路不分鹿門終隱矣騎鶴訪
茅君

我愛吾廬好長歌黃澤篇雲光低壓樹江色遠連
天採藥吾將往拂衣凌紫烟鹿門終隱矣與世本
無緣

我愛吾廬好漁樵混一村無求不辱道有酒自開
尊路入溪邊樹雲連竹下門鹿門終隱矣散髮臥
松根

我愛吾廬好門開白鷺沙長松寒墜子幽樹晚生
花日落江光亂峯迴鳥道斜鹿門終隱矣抱甕人
桑麻

我愛吾廬好四簷松桂涼斷霞明夕色霜葉媚晴
光益益乾坤大山林日月長鹿門終隱矣高枕自
羲皇

我愛吾廬好山光落小池把鋤忘甲子閉戶長鬚
眉地暖梅開早林深月到遲鹿門終隱矣一笑覆
殘棋

客有挈家之任而死於道者其子行乞於市
不勝苦楚作詩哀之

宦遊十口家千里旅況孤身淚萬行海內今無郭
元振老夫倚杖到斜陽

倚杖問月

明月出滄海明見天地心體臆絕渣滓光華流古
今我來倚杖看不足皎皎團團如片玉綠烟飛盡
黑雲收桂殿分明在吾目問渠何事缺復圓妖墓
礫飛從何年伊尹搗藥今在否嫦娥守節誰相憐

叨叨問明月明月不應我竚立空山中孤懷實悽
楚安得海波作酒花當籌喚起太白同遨遊浩歌
采石江中央爛醉峨眉亭上頭金尊吸月月入腹
清氣釀成三萬斛平生磊塊一掃除吐出新詩駭
流俗

悼裕上人

紫峽山人憶裕公稜層詩骨轉成空那堪哀訃來
江上正值無聊久病中問訊頻年殊切切欸畱昔
日更憧憧梅花月轉山堂靜倚杖無言向朔風

詩白石悟玄集

憤世思長往于山煉道真人同天不老心與物皆
春導引空軒冕孤高絕比隣會看生羽翰下俯九
州塵

贈宋近湖

新水漫柴扉輕鷗上釣磯波光和日動帆影拂簷
飛畱客尊綠繪傳家芟葉衣踏船吹笛過溪友得
魚歸

竹雲

一丘團野色十里隔紅塵山暝長疑雨林深不見
人氣蒸書卷潤影動月華新聞道王猷在休嫌杖
履頻

書陸愛菊便面

紅葉寒泉暎白頭杖藜長爲好山畱鄰翁佩得封
侯印不盡中原落日愁

約齋

東風昨夜到南園花自紛芳艸自閒葉葉枝枝足
生意栽培須要惜孤根

雙桐歌爲方令尹賦

君不見桐城之桐高且堅聲聞遠近枝參天又不
見桐溪之桐柯幹盛茅簷百里蒙清蔭嗚呼雙桐
兮間世生行人回首公輪驚願言自愛慎勿輕
天子巖廊卽日興棟梁之任須君勝棟梁之任須
君勝

節婦詞爲郭福州內子 二章

良人世何速棄妾芳年紀莫道殺身難所重在存
祀

呱呱子誰依未亡良有埃北風吹夜長滴盡寒機
雨

尚古齋爲章白山題

古人不可見但覺古人心梅花春幾許松月坐更
深

折梅送友

折得早梅枝殷勤欲贈誰美人別我去千里寄相
思寒雪江村路東風歲暮時毋忘去年約東閣賦

新詩

懷石門山人

夢回微雨一燈涼
林壑秋風葉又黃
滄海豈無前度酒
白蓮不似舊時香
人間歲月空流水
笛裏雲山正夕陽
何日一杯澆宿土
破琴拂劍思茫茫

懷從吾道人

平生知己董蘿石
一夜思君白盡頭
顛沛幾曾違道義
風塵誰復此交遊
簞瓢樂在貧何預
山水情高老未休
細雨一燈曾下榻
白雲依舊水還流

寄明谷山人時寓金臺

柴門紅樹夕陽多
逋客不歸將奈何
日送孤鴻天萬里
桂花零落小山阿

寄句溪山人 二首

紅葉閉門時序暮
黃花對酒別離長
江天不盡雁鴻度
數月慚無一字將
碧嶂樓臺錦樹連
高情無限夕陽邊
故人別久流光速
開遍黃花殊可憐

李子元吉厥考小影失去三十年一日忽得於金陵老嫗破篋中因作存著卷

片楮茫茫三十春西風吹淚幾沾巾心摧膽裂天
應憫鼠齧塵埋墨尚新笋出三冬寧有種壁完千
古若爲神白雲世世香燈裏重見儀刑律後人

次韻答王龍谿

陶鎔宇宙君豪士領畧溪山我病翁燈火十年雙
鬢短風塵一劍萬夫雄高歌慷慨感節序濁酒爛
熯酬芙蓉露桃日杏今何在立盡秋風落照中

送俞夔菴遠遊

俞子心何壯看山賦遠遊野人出斗酒莫惜片時

留太嶽千年勝河源萬古流送君意無盡奚啻子
長謀

乙未九月日同諸友登高

躡翠盤空一杖飛人風萬里吹荷衣江河混混無
今古人世穰穰自是非冥漠半生慚白髮迂疎甘
載杜柴屏青芝紫蕨黃花酒供送清狂到落暉

絕句 三首

一雨連三月難望麩麥收飢民卒未死何以應徵
求

千里供需急傳呼 皇木來雨師豈無意端爲洗
塵埃

物色徵君子安車起丈夫相臣經濟業旣拔古來
無

墨池

池頭風雨墨龍飛正是張顛半醉時三叫拍闌在
欲死雲烟冉冉落烏絲

題畫 四首

雨過嵐光淨江空樹影寒青山長白好不必有人

看

茅屋無四鄰風篁自相語主人歸不歸犬吠柴門

雨

綠樹含殘雨澄波帶晚霞便須吹笛去湖上覓漁

家

一杖看山出雲深石路長定須躋絕頂莫道近斜
陽

小湖 思親意

一派來何自滔滔思共流春風熟蘋藻暮雨下鳧

鷓鴣笛響船船月鳥啼夜夜秋昊天無盡意誰爲問
源頭

可竹

百卉亦自好相憐獨此君未能同雅操漫自挹清
芬琢句倚明月烹茶掃白雲龍騰知不遠春雨足
兒孫

皇都壯遊卷

五雲繚繞龍樓近紫霧氤氳馬足輕御柳宮花看
不盡好將忠藎答 承明

雨後

稿木甦時雨高荷媚夕陽病農動顏色舉手向穹
蒼糊口得無慮頽垣總不妨枯田畧生意差可緩
逋亡

哭從子道鼎

乾坤如許不容身東走西馳祗爲貧半世蠶鹽人
共棄一生書劍志難伸親闈秋到西風急子舍寒
來夜雨頻最是故人凝望絕楚天雲樹思無垠

漁

短夢隨流水餘生托釣輪綠陰黃鳥裏別自有乾坤

樵

草木生涯穩煙霞步履寬披裘無五月外物詎能干

耕

野人分畝畝胼胝敢辭勞不有迷津者誰知沮溺高

牧

草肥牛耳濕風急笛聲高正熟魚旛夢斜陽上柳梢

輓南谷翁

歌笑娛賓老未休踏花攜酒日夷猶兒郎早幹皇家事老子全無杞國憂閒掃竹雲眠石榻醉呼松月上山樓或歸或寄心先了冠履怡然自一丘

哀牡丹

時去誰論富貴叢東風穢草亦葱葱十年誤落浮榮夢一笑收功色相空繡幄圍春憐易落東流記

命意何窮若爲寵辱分霄壤爲汝堯闈泣化工

歸終詩

小寄人間五十年黃花籬落白鷗邊于今厭世還
歸去水自東流月自圓

雜著

燕枯銘

正爾心充爾氣唯精唯一不二以二皦皦熙熙無
懷之世

書几銘

朝於斯夕於斯吾有思天有知不愧屋漏吾其庶
幾

座右銘

顏如愚程如塑靜有常動無過

梳具銘

見諸外者亂卽思理存諸中不胡不如是

洗具銘

體先盥漱新克念作聖予也何人

洗具銘

安之私。有上之氣。一學一狂。由乃地。

瓢

許爾棄顏。采棄或未能樂也。是學。

杖

行吾行也。惟爾之。力行無咎也。惟爾之德。

盤都丞銘

含章可貞。隨時闔闢。闔一闢妙用。誰識。

研銘

爾體惟鈍。爾用惟靜。克鈍克靜。以承厥命。

筆銘

脫穎而出。煥乎文章。一日之用。萬世之光。

墨銘

琢之磨之。終身勞之。流香簡冊。勞也何辭。

印色銘

似爾光以飾吾章。慎爾藏攸用。惟臧。

短檠銘

萬籟銷沈。孤光熒熒。至樂之地。知我者惟卿。

裁尺銘

直其直以直物之不直

秋雨賦

余少學文將以求達行未登途屢致顛躓
遂謝初志終老作秋雨賦

春雨時兮萬物生夏雨時兮萬物亨冬雨時兮萬
物成夫何秋雨之愆期兮俾吾民之震驚禾黍油
油兮正榮雨不絕兮禾不能勝設禾頭兮生耳使
吾民兮何以爲生東海野夫憂切於心駕雲車兮
泝玉京面天帝兮陳民情天帝曰噫汝靡有憂憂

在民生賜汝以劍導汝以旌驅雲霾以劍迹奉日
月以長明禾欣忻兮旣登舉斗酒兮歌昇平何四
海兮盡適予懷兮靡寧有美一人關河阻隔一日
不見等一日於三秋矧萬里之脩途經時之曠別
歛皓齒兮感翠蛾拭秋波兮淚盈掬顧影自憐兮
誰爲容瑤華孰寄兮傷我心曲盼行雲兮路森茫
慨夕露兮沾我裳草木黃落兮天隕霜風瑟瑟兮
啼寒螿瓊樓高兮金風涼夢入孤枕兮秋夜長儼
來斯兮相見執素手兮宣腸悲寒暗兮靡常願玉

海林園和
三二
驅兮慎行藏意惶惑兮未罄奚告別兮勿忙積紅
冰兮蕙帳抱明月兮空牀守紅顏於薄命敢伸恨
於穹蒼

重建紫薇山廣福禪院

海寧邑之東北載勝地曰硤石兩山對峙重湖相
望居民稠衍山之一曰紫薇誌謂唐紫薇舍人白
居易常登此山因名山之翠薇僧利曰廣福禪院
建于宋天禧間僧辨親熙寧間賜額曰壽聖隆興
間改今額宋季毀于兵元乾注甲子僧大德市興

我 明永樂成化等年僧智釋文讓輩迭脩葺焉
迄今傾頽特甚僧文鑑憂之以老力弗克任舉白
足曰道源者委焉源暨其徒守萃蚤作夜思竭心
疲力院獲復新正殿仍設泗洲聖像左右耳室設
伽藍祖師塔楯石級咸整飾殿後作石渠以承山
溜嘉靖甲午春謀始抵乙未秋告成歷歲有奇予
謂硤因邑之勝而院又硤之勝也登斯院也則高
臨一鎮下俯兩湖烟水洋洋居民穰穰具在目前
院道源我邑之勝重光焉嘗觀世之隆替時之盛

衰未有不由人者是院也非辨親不能創非大德不能復非道源不能守予土人也此述其興廢始末如此云

重建硤石土穀神祠碑記

有明嘉靖柔兆闔茂青陽之季海寧硤石鎮土穀神祠蓄父老張景庸氏郃天瑞氏輩相謂曰世有禮樂以維民生幽有鬼神以司民命我太祖高皇帝立國大正祀典俾各府縣建立城隍祠各鄉則有社謂之士穀重民食也今廢墜不舉如吾民

何於是謀於衆勸緣募於鄉卜吉鳩工以起廢爲已任早作夜思往來經度張年且耄勞苦致生疾尚不怠厥志郃亦置家事而專心併力焉不數月而告成功較前益壯麗爲堂三間以奉神週遭築石墻蔽風火外爲屋空其中以通禱祀者出入兩翼則取賃值以供香火費堂之東側別構小樓屋召正一道士王永洪居守計所用人力凡若干工所費錢幣凡若干緡神之主曰禹秦二王故老相傳謂禹秦神之姓王神之封號禹湖州烏程之紫

淳朴園稿卷之三
林村人秦則本縣臨平人也同仕於東魏失其名
與字併所以受村之故且不知何以廟食於此史
籍不載後世無所考據不敢強贅愚謂中雷門行
一家之祀土穀一鄉之祀城隍一郡一邑之祀古
今不易之理也苟求其人則鑿矣姑祠祠之廢歲
歲月如此云

淳朴園稿卷之三 終

淳朴園藁跋

淳朴園藁者沈天用先生筆也先生惟以此陶寫性情而已初非有意於傳也強之使傳而復爲之批評者德翼吳先生力也芟其繁訂其訛者元父徐君謬爲詮次又益之以外集者俞也俞自弱冠卽從先生遊徃徃雨窻月榭見其與二三社友擁臯相對嗚嗚作唵哦聲不揣鄙陋輒敢效顰先生與二三君子咸許可曰此子異日必以詩名於世也嗣是獲交海內名流若孫太初文徵仲鄭少谷



江本集 足
輩無不人人推先生爲雅社之領袖當世之模範也者使天假之以年則其所造詣固不可限量無何年僅半伯而遽卽世朋儕失其良友學者喪其明師嗚呼痛哉命服心喪後偶重過淳朴園見其巖扉如昔軒几依然頗興山陽之感因撫景言懷得詩四絕附之卷末以識歲月云爾

涵虛閣

涵虛閣上雨聲寒澗艸林花不忍看惆悵青山思
往事幾宵風月共闌干

藕花灣灣之沙曰白鷗沙沙上有釣石

藕花吹落碧池灣樹色蒼蒼兩岸山明月自來人
不見白鷗盟冷釣磯閒

柳塘塘有渡鶴缸

楊柳青青水半灘角巾無復弄潺湲亭亭野鶴如
相待白石岡頭照影寒

通樵徑徑有杞菊闌

通樵徑絕鹿麋羣杞菊闌憑幾夕曛屐齒猶餘舊
行跡山童那忍掃寒雲

昔

嘉靖庚子歲清和月朔日門人唐俞百拜謹書
崇禎甲戌年立春日玄孫顯恩追敬刊行



國家圖書館, NATIONAL CENTRAL LIBRARY, TAIWAN, R.O.C.

淳朴園外集

嗣孫復祖重輯

記

南山潘府

提學副使進階太常卿

南山有一太極窩潘子所居也窩之中有一古太極圖潘子所畫也潘子日坐斯窩觀斯圖而樂斯樂也客有以文請者投厥刺走厥幣往來迭告或序或記而鮮有當子之意者丁丑之臘月海昌沈君天用遠渡錢塘因予鄉士毛汝典而以淳朴園記請潘子忻然曰吾固謂有是也夫古昔盛時淳

江村園集
朴之風尚矣周衰世降文勝滅質而後淳朴罕聞
迫我

聖祖聿興敦尚名教延及正統間士修實行而厭奢
侈一切事爲漸知近古而淳朴荐還殊有可觀者
夫何邇年又復一變淡用慨惜而天用獨能以淳
朴名園得無默契此圖太極之旨乎蓋是太極者
渾渾噩噩乃道之體也今以淳朴名園渾則渾厚
而無澆漓之風朴則渾素而無華靡之習亦一太
極在也予聞天用性雅淳朴其進進於是境誠無

難者則吾太極一窩不徒在南山又將在沈氏園
矣吾之喜其請者蓋有以也毛君復進而言曰沈
氏園中尚多奇景可遊可息者不啻什伯奚無一
言及之乎予笑曰文固有體也昔有記六經閣者
閣中諸子百氏咸具焉獨言六經者尊經也予爲
是記亦重淳朴之意歟

兩湖董穀 鄉進士

記曰淳朴園者子沈子之園也子沈子幽潛之士
予不獨慕其人亦慕其居居於紫碭之陽晉葛洪

所治唐顧山人之隱者也其在於古木石秀鬱稀
絕人迹高流奇士棲巖飲水以全其天至於後世
萬變萃焉沿麓遡流四達其衢破厥風氣散厥真
純于沈子懸弧於斯勝髮於其間也仰眺雙峯下
弄清溪則心悠然迺遊於市則情喟然順逆交於
中而得古今之所以異中歲則自謀曰吾何以處
茲以自臧吾其爲漢陰之叟矣吾固非崇素封之
術者詩曰十畝之間兮桑者閒閒兮行與子旋兮
十畝之外兮桑者泄泄兮行與子逝兮吾欲返於

初誠不可以他求乃作園又曰吾園名以淳朴杖
其間者耳不聞軍國四方之事巧纖喧赫不接於
目蓋靜者所宜也雜蒔艸花果蔬氣至則吾得而
玩之食焉吾無所取必焉爾已矣於是董生曰篤
哉沈子之志余未能一遊其間然觀其言而知其
道矣是蓋好古而憂時者也余昔舟行見其山環
而水阻欲求古高流奇士與遊而不可得客有爲
我指點書堆丹井慨然猶望見之夫人溺於汙濁
則羨清冷久於卑陋則思高騫厭於紛華則賞退

靜苦於澆漓則慕朴茂有感於今則欲起昔人於
地下苟天理未盡滅則其秉彝同也矧夫沈子知
道之士志存尚友宜其先我得矣韓退之讀崔山
君鶴言事謂其有憤世之意余於沈子亦云夫今
之時家有百金之產則公府有千金之需是令以
偷也沈子於是乎力葵焉以自給薄取於世薄取
於世而世亦薄求之是兩厚也兩厚者淳朴之道
也道必有所繇始詩曰孝子不匱永錫爾類其子
沈子之謂乎

北山園嘉言

判史

淳朴園在紫峽之陽沈子主之臺池亭榭花木鬱
鬱迥然非人境焉董蘿石過之臺於眺池於臨以
遨以遊喟然而歎曰嗟乎遠矣子之名園也淳朴云
朴云榛棘不抽瓦礫不掃高者突而不丘下者窪
而不壑不屋不樹質任自然可也今子分張太和
磔裂元氣矣何是之名哉沈子曰不然理一而分
殊久矣洪荒之世羣聖迭興而制作寢備不得已
也茲土曠然平地予始涉而園之山以樵水以漁

館舍以休花木以識節序徜徉以終吾生惟保厥
初若是公猶過之乎且如公言野田荒艸孰不謂
之園乎昔三代以上質而已矣三代之末文實勝
之二者皆非道也沈子爲園方闖乎文備之域而
蘿石之嘆深於從先進之慮矣蘿石赫胥氏之人
乎沈子文武之人乎因爲之記

銘

靜寄老人王鑑之

刑部尚書

中古尚文末世趨僞僞則於外文亦豈內所以太
古淳朴是貴世衰道微民僞日熾猗歟沈君古道

在是庶幾夙夜永終勿替

涵虛閣記

慶元張世明

紫峽山人爲園於居第之北曰淳朴園之中疊石
爲山鑿地爲池架木於池之上爲涵虛閣與山對
峙焉東谷道人過而問曰天下之名未有不因其
實者閣如招靈如四香如結綺望春古之人皆有
謂也而涵虛之義何居山人曰屏障不設軒窻洞
開川晴而波漾簾捲而山入花香月色不礙往來
天光雲影互相輝暎不可以爲虛乎曰虛矣主之

者何如曰靈臺虛廓方寸湛然動與物俱遊靜與物俱化富貴利達於我何有得失理亂於我無關人蓋與閤而同虛也曰天下之理屈信恒相因盈虧恒相倚未嘗見其偏也子以虛名閤不幾亾實矣乎曰閤虛矣實之者山人也山人之心虛矣實之者理也博學詩書六藝之文求周公仲尼之道而修省於人倫日用之常其於理也或庶幾矣無泥乎其名無膠乎其見然後知山人之名閤未爲過也道人嘖嘖而嘆忻忻而喜曰陰陽一太極太

極本無極實者未嘗不虛也道與德爲虛位仁與義爲定名虛者未嘗不實也虛不溺於無實不滯於有聖賢大中之道固如此也繇是而知閤之名稱情也山人之心所以爲虛也於是乎記

可止軒記

餘于呂泰

止之爲義大矣哉易曰艮其止止其所也惟止其所斯見其可非是則往而不返不爲長沮桀溺之流斯陳仲子舍簞食豆羹之義耳烏可哉海昌沈先生則不然先生早遊鄉校偶因事慨時志尚恬

退曰聖賢之心但求爲所當爲不徼幸於所難必
故君子修身以埃盡其在我者而已功名富貴窮
達得失皆非所較也吾安能局促如轅下駒反狐
媚於人而取功名富貴爲哉遂閉門歛迹謝其事
而勿居因闢軒居數楹於石假山之陽扁曰可止
因以爲潛息之所所以見志也昔孔子可以止則
止先生得無欲學孔子者歟於乎其慎毋北山之
移斯見其善學者矣

裕

山人蚤事進取性樂閒曠與世濶疎遂拂衣歸山
將終老焉爲園於居之後曰淳朴爲軒於園之中
曰可止可者度量可否也君子忍終忘斯世乎哉
山人度其德量其力無可用於世且不能與世浮
沉所以止者非初志也不獲已也軒之中左圖右
書山人鉤玄索隱求古人之心於千載之上少有
所得便怡然終日遇風日晴和則曳杖振衣之岡
盪胸之臺韻松琴調舞鶴或坐石看雲或臨流弄
月情至則援筆賦詩陶寫襟懷不甚計其得失客

過則投竿取魚呼酒共酌亦不計其去畱清風徐來石牀睡足剖月團汲清澗於茶烟谷中恍然身遊羲皇之上不知斯時爲何時也軒凡十楹面淵淵池背一拳山周遭皆水繇行休橋而達焉

盪留臺記

聞嘉言 再見

吾友紫硤山人豪宕士也少遊邑庠輒悔之曰吾安能帖帖於班行中如兒曹然哉迺棄歸紫硤於所居之淳朴園掘地爲池因丘爲山累石爲臺臺之上榜曰盪胸山人日遊於此縱觀魚鳥昆蟲艸

木之類衍衍焉洋洋焉如有名倡妙舞魚龍曼延之戲更奏迭進於其前也予嘗造之山人方踞胡牀揮麈尾歌天地萬物如吾何之句予曰樂哉是臺乎山人曰臺何樂之有顧吾胸中自有其樂耳予笑曰有是哉請問之不答固請山人曰樂吾之樂則魚鳥昆蟲草木皆吾樂也而功名富貴不足以奪其樂若以世俗之樂爲樂則雖有功名富貴而患得患失不能以自樂又烏知魚鳥昆蟲草木之樂哉孟軻氏曰堂高數仞榱題數尺吾得志弗

爲也食前方丈侍妾數百人吾得志弗爲也般樂
飲酒馳騁田臘後車千乘吾得志弗爲也嗟乎以
予言之得志與不得志吾亦何暇計哉予聞山人
之言而惑焉昔山人與時桷鑿遇余開口論天下
事輒扼腕長嘯有叫闔闔呈琅玕之志今其言若
是乃以天下事付之嬉笑也豈其得臺之力乎予
未敢以誚山人是爲記

一鑑亭記

東粵鄔憲

沈先生開淳朴園南山潘外史嘗爲之記園中又

鑿半畝塘構亭於上名之曰一鑑蓋取半畝方塘
一鑑開之義也大理澄澈芻次瑩明胥於此而得
矣予聞之鑑之所以爲明者謂其不能隱萬物之
形也雖然鑑之能不隱萬物之形未若水之能一
萬物之形也雖然水之能一萬物之形又未若聖
人能一萬物之情也先生其取鑑以水而窮萬物
之形耶抑其尚鑑聖賢而盡萬物之情耶一鑑折
衷尚必有真也如是而鑑之必真則清明有道氣
象直與天光雲影徘徊矣毋自諉曰我有源頭活

水足以鑑之也

飯蔬亭跋

姚江史古模 都給事

飯蔬食飲水曲肱而枕之樂亦在其中矣吾夫子安貧樂道語也他日獨賢顏回以簞瓢陋巷不改其樂則在聖門惟顏氏子能同此意思是知在我者非真有所得未易語此也杭之海寧沈君天用號紫硤山人構數亭於其家園其一以飯蔬扁之而詩之者多矣予鄉友章文淵亦有賦焉問以詩示予使之識其意予非知言者然竊揆方食貧飯

蔬吾事也而樂出於否未敢自質儻異時過紫硤嘗飯沈君蔬細與論餐麤茹淡滋味未知終償此願否試先數語爲左券

振衣岡辭

從吾道人董

山千仞兮青青鴻孤飛兮冥冥褰薜荔兮風泠泠

可止軒銘

穀

足之力疲於降陟可以止兮目之力竭於殷碧可以止兮心之力運乎無極其可以止兮

淵淵池銘

泫然而流者鍾汝坎然而下者容汝默然而深思
者從汝從汝之定爰得我性

太古崑銘

聞嘉言 三見

雲雨滄桑夜旦今古山中之四時不足以供一喜
一怒矧乎颺颺號魑魅舞

祐

太虛無形形則實色蒼蒼兮自朝夕白雲來去無
蹤跡

雲牙石銘

矯矯石卿虎踞龍蹲貞靜不移合道之元何以置
之惟淳朴園伴我清吟侑我汗罇千秋永存保我
雲初

淳朴園狀

淳朴園在紫峽山麓開廣凡若干畝取老杜只疑
淳朴處自有一山川之義命名園之主人初居園
闡性樂疎散與世多忤正德甲戌歲冬十月始伐
惡木剗奧草前指後畫經之營之是園出焉園外
小水環抱主人植芙蓉於兩岸命之曰芙蓉溪溪

東甃石路以達於園題其路之門曰真境路兩傍
多種竹綠陰交覆委蛇盤鬱凡幾屈曲園內鑿池
貯水爲淵淵池中有載月舟池上有杞菊闌緣
闌而行若起若伏有山蔚然空翠耀目卽主人纍
土疊石爲一拳山環山引水自石罅間流轉作九
曲狀清瑩可賞謂之曰醒心泉泉上布石通行曰
渡鶴砦去砦不數步峯巒四合路轉石迴得石洞
深廣僅十尺主人當盛夏挾書岸幘趺坐其中曰
神清洞洞側小徑曰通樵徑徑再曲抵石梯曰穿

雲磴磴窮處爲盪胸臺迴臨水口 日無際臺上
有石漏透屈突曰太華蓮倚石背縛屋四楹覆茅
其上傍嵌坐檻爲晏坐亭亭東則松風嶺梅月嶠
落雁峯西則振衣岡睡鶴峯雲牙石滴露巖峯與
石各以形狀言也巖下坡曰竹雪坡坡際有茶煙
谷飯蔬亭藕花灣白鷗沙沙上石壁爲蘿壁高可
尋丈怪石倒綴藤蘿纏繞下有盤石可坐而釣謂
之釣石重陰遮覆則柳塘居東南繇柳塘曲阜度
行休橋有屋數椽周列闌檻可步可憑屋下則貼

石固岸引水爲籓籬倚山爲屏障署其南向四楹
曰可止軒軒傍小室環擁古書主人終日焚香兀
坐或掩卷注思若有求而弗得者曰望道菴軒前
艸亭獨居中流爲一鑑亭北則架木爲閣下可通
舟軒窻洞豁與一拳山對峙岩花野卉迭相開落
魚躍鳶飛妙思無涯主人之處斯閣也百慮冰釋
靈臺湛虛謂之曰涵虛閣主人則朴陋野夫沈疴
也

詩

關中孫一元

自得窮通理幽居不誤身清流梳石髮遠霧着山
巾竹上僧畱偈庭前鶴近人科頭坐終日吾自愛
吾真

建安楊巨 太僕卿

紫硤山人不染埃尋常懶入市朝來吟筇引鶴穿
雲去釣艇乘潮載月回笑把名塲觀傀儡閒從人
境得蓬萊何時半榻容吾借詩卷丹經次第開

董 雲 再見

人稱愚溪愚我愛朴園朴園翁太古心味亦其淡

薄菜根風所欽春畦頗紛錯抱甕復把鋤辛苦不自覺爲謝端木君機械非所托十年夢華胥足不履城郭不知春去來但見花開落再讀長鑱篇遠害貧亦樂

淡泉鄭曉

兵部尚書

意到看溪水清流自可人坐餘一片石閒却百年身野老亦高興壺漿長見親莫言遺世久瀟灑本吾真

汝湖謝不

詹事

古碇淳風地桃花自一邨何當問前路一笑整汗罇

句谿山人陳鑑

隱居得古意問訊愜幽期荷淨開虛閣山光落野池把鋤忘理亂飽飯任棲遲高興花開口長吟出遶籬

西村朱朴

一徑入深窅臨流開艸堂幽花不滿地疎竹自成行鴨乳春泉動鷄啼午飯香百年棲息穩多病更

何妨

潘府 再見

晴光紅暎兩危峯
曉起精神健比龍
風和花香襲巾杖
春隨草色上簾櫳
簷前鶻噪客應到
膳後鷄啼日已中
閒去焚香卜詩夢
更尋佳勝坐從容

明谷山人王洪

野人家在湖邊住
雲木遙連湖上村
閒與鄰翁弄春水
不妨沙鳥傍柴門
垂綸款款清風起
抱甕蘧蘧古意存
爲報高秋好明月
大虛呈象夜無痕

柏南子馮著

石徑榛籬縱復橫
巖花未吐靜含貞
笑看狂蝶風中舞
坐覺閒雲石上生
破帽獨吟春有主
流光東逝水無情
汲溪煮茗同清話
不管人間有敗成

豐厓徐泰 知縣

瘦沈幽居處
雙峯古硤川
身因病終隱
詩爲好多傳
竹徑無塵轍
花谿有釣船
尋君重高致
艤棹白鷗邊

石門山人明秀

棲息渾同太古時，丈人只有漢陰知。
竹深春雨煮黃獨，松下晚山歌紫芝。
豈謂全生因抱病，祇緣避俗得無爲。
衣裳更帶烟霞色，鶴鹿相隨杞菊籬。

交湖謝鐸

提學副使

乾坤迴與人間別，俯仰曾無物外求。
萬象天成廢雕刻，百年地僻任優游。
襟期想在羲皇上述，作思同陶令遊。
聞說昔時聚金谷，何如白賁隱滄洲。

月湖謝耀

懷人歌老劍，看月過孤村。
詩意漁家得，人文靜者

尊黃鵬春正好，衰鳳日何言。
紫硤有佳興，寧分半席溫。

衡山文徵明

翰林院待詔

永夏園亭風日嘉，涼陰寂歷樹交加。
客來解帶圍新竹，燕起衝簾落晚花。
領畧清言蒼玉麈，破除沉困紫團茶。
六街車馬塵如海，不到柴桑處士家。

春塘徐定夫

湖上青村連紫硤，茅堂蔓結薜蘿陰。
高人自得爲園計，好古還存避俗心。
十里湖波堪放棹，兩峯雲

日可閒吟頌君歲晏畱薇蕨問隱吾將一過存

玉芝道人法聚

漢陰生事拙復見丈人廬石甃幽花合沙渠野竹
疎剪葵畱客飯種樹課兒書抱病心猶遠蕭條只
晏如

小野倪宗正

翰林院庶
吉士

蓬蒿不斬長於竹野藤之蔓直上屋松柏從穉不
盤束礙日撐雲森矗矗鶴不籠兮鹿不樊如在天
今如在谷風月浩蕩入吾廬白雲亦借簷端宿撫

弄一張無絃琴餘音不盡還三復素書一卷無一
字默而對之忘誦讀

石林子英

愛汝山園好林深竹樹繁花明麋鹿洞雲度薜蘿
門抱甕春長在囊書道益尊還憐太古意客至有
汗罇

爐峯山人錢寬進士

日日清溪上溪聲不斷流野雲依石壁涼月近沙
鷗靜後天機活閒中歲月優高情隨地得何期覓

瀛洲

雜題

可止軒

餘姚毛憲副使

深
青山動高興黑髮了初心仕止看吾道先生着意

涵虛閣

宵
艸屋俯清流開我窻玲瓏堂堂宇宙間白日舊心

桺塘

鳴
迴塘春水靜碧柳午陰清短杖迎山色黃鸝隔葉

花塢

昨夜東風入深塢青山形色滿堂枝世人盡謂閒
花草天地文章我獨知

芙蓉溪

孫一元再見

碧
水烟澹不收明月光滿夕手把芙蓉花臨溪弄秋

載月舟

小艇載明月往來雲水中尋詩荷葉浦吹面釣絲風

醒心泉

流水有道體坐對心自融此意何人解回看山月空

渡鶴缸

石缸橫斷浦白鶴步踉蹌明月在野水亭亭瘦影長

神清洞

解衣挂薜荔拂石坐雲霞此中有天地恐是葛洪家

太華蓮

半空隔風雨絕壑聞寒松我昔采三秀騎龍蓮花峯

晏坐亭

溪雲淡不飛巖花時自墮道人晏坐餘忘物亦忘我

梅月嶠

孤月上山嶠寒梅影半橫幽懷流動處獨起月中
行

落雁峯

雁峯高入雲去天纔尺許聞有鶴上仙時來與天
語

睡鶴峯

絕頂天風落半厓松籟聞幽人時不到鶴睡一山
雲

茶烟谷

青山不生雲炊烟散幽谷客來聞松濤瓦鑪茶已
熟

竹雪坡

北風凍地坼積雪坡半明野鶴清無寐時驚折竹
聲

白鷗沙

水際落雲霞亭亭蘅杜花瓦盆歌款乃來醉白鷗
沙

望道菴

梅花動天根春風號萬竅一笑邈無言此意還可
到

一鑑亭

茅亭峙中流一鑑清未已水底山更奇蒼烟飛不
起

涵虛閣

四簷樹影虛長天帶高閣隱几坐忘言衣上雲光
落

釣石

董 漢 三見

水落苔痕高水長苔痕低上有把竿叟笑看雲渡
谿

飯蔬亭

菜根含道氣求飽便癡頑要識尼山路先須破此
關

神清洞

幽人此靜坐老色無繇生山空納秋爽石白恒夜
明流泉得道體古樂遺松聲野鶴不能寐月高時
一鳴

晏坐亭

盡日風光裏
嗒然身欲忘
落花人不到
春草意同芳
書案鳥時下
長天雲自忙
吾真正無恙
山色上匡牀

柳塘

新水初平舊釣磯
江光和日動柴扉
遊絲落絮年
年似雲淡風輕
燕燕飛滿地
春陰連鶴渚
誰家短笛弄烟霏
白頭也欲單衣去
童子相隨試浴沂

芙蓉溪

蘭艇一葉鷗
川暮美人不來誰與渡
秋在芙蓉最深處
不須更踏春風路
瓦盆酒盡歌一聲
眼前只見青山青

茶煙谷

朱朴 再見

童子抱甕歸
道人詩已熟
鳥鳴山日高
浮烟滿脩竹

淵淵池

淵淵復淵淵
清濁同一本
清流入斯池
濁流隨混混

飯蔬亭

陳鑑再見

野亭日午簇春烟一筓山中百事便滋味莫言殊
門餽松風更在曲肱邊

竹雪坡

茶煙濕不揚蘚石凍欲裂石邊三四竿應是夜來
折

蘿壁

巖巖峻而卓鬱鬱稠且羃垂陰覆清泉泉水陰下
出古色積歲年暮雨翠如織石上不見雲時有雲

氣濕西日薄高岑寒影墮池碧

真境

迂徑轉平麓悠然風日新草生花落處林下水邊
春爲有禽魚樂自無車馬塵於焉棲息者應是葛
天民

藕花灣

薰風上高葉綠水生紅顏微涼動清淺雙鷺却飛
還

芙蓉溪

秋容澹不華秋水碧而淨時有采芳人臨風語相應

涵虛閣

明 秀 再見

白雲不度兩峯間江漢高風已自還簾捲炎天疑
有雪舟橫遠水欲浮山晴川沙鳥尊前過落日柴
門笛裏關猶憶絺衣掛蘿壁泉聲月色弄潺湲

可止軒

白山章涇

平生稷契心尼父豈吾異今日坐此軒天地得無
意再歌可止詩鳳鳥仍不至

振衣岡

白日振衣千仞岡昔人曾笑太冲狂先生更落今
人笑識字年來只薜裳

花塢

誰遣東風花滿塢春光到此十分深先生會盡看
花理萬紫千紅在一心

通樵徑

迢迢綠碧澗尋轉更深樹時有採樵人相隨麋鹿
去

濫曾臺

白心老人宋敬

鳥去三山遠雲開六合寬
眼邊無物礙長嘯拍闌干

飯蔬亭

一飯與一蔬悠然得真趣
鍾鼎朶頤人寧知淡中味

杞菊闌

嘉善沈槩

盈闌大藥少人知相對秋風一吐奇
日許山樵作糧糗不教點雪上青絲

一拳山

一拳非小阿誰知水色山光處處奇
我有大觀君信否太山滄海亦如絲

渡鶴缸

遠志冲霄只自知肯隨鷗鷺鬪清奇
無言踏遍蒼苔路獨照寒潭理素絲

晏坐亭

閒情已付艸亭知自在江山不弄奇
燕子却矜身似葉檻前撩亂撲遊絲

可止軒

峻嶺平坡歷歷知
早休雙屐計爲奇
不看軒外天
光薄雨脚雲端已作絲

望道菴

遺編默默要人知
洞草巖花未足奇
滄海迷茫山
斗隔苦心誰與折毛絲

一鑑亭

無邊光景白鷗知
小構中流更出奇
潭底何愁污
明月倚闌晴日見秋絲

白鷗沙

王洪再見

江邊一帶沙細石連清
水天地入幽偏羣鷗自來
止芙蓉年年深野老
念念喜爭集機已無漁竿只
聊爾

滴露巖

明月射石千丈光
碧蘿裊裊重且長
山人坐怯山
衣涼攬衣起視鶴鳴處
滴滴白露下前岡

行休橋

墨山陳詢

嗟嗟行多岐
行行復茲休
山雲只隔溪
不度溪之

流

通樵徑

石步轉林樾長歌聞夕陽開門白雲去人影過山

牆

芙蓉溪

門人唐俞

秋水漫長堤芙蓉相暎發上有采芳人沿溪弄明

月

渡鶴矸

露下秋水清月出夜初靜白鶴忽飛來臨流弄孤

影

白鷗沙

亂石帶清流間花吐幽谷水邊白鷗羣占斷寒塘

曲

松風嶺

江流雲影去鳥帶夕陽歸笑拂松根坐天風吹布

衣

淳朴園外集 終



國家圖書館, NATIONAL CENTRAL LIBRARY, TAIWAN, R.O.C.



淳朴園外集補

鹽官紫峽山人沈

祐

嗣孫復祖續輯

和荅沈紫峽

杞山許相卿

禮科給事

我本山澤癯結廬白雲岑豈徒遠塵土風雨亦俯
臨朝陽讀吾書卒業群壑陰赤手莫援世敢云長
往心江山入捫虱形神調戲禽新暑不到窻空庭
梧十尋故人遙相憶因風遺好音峽上有初約莫
辭山路深

題淳朴園

桐城方克

御史先任桐鄉縣令

芳池列嘉樹倒影盪空明
着霧光偏潤酣霜景更清
竹連蘭渚淨松偃石床平
世事渾忘却心齋悟養生

題沈山人園亭

海石錢

薇禮科給事

竹塢茆堂何處臺薜蘿深徑倚湖開
空林日落青山出碧浪風翻白鳥迴
歲月能親鄴侯架烟花或舉謫仙杯
莫教剝啄驚幽夢只許羊求數往來

和李明府過沈氏園六

幽人三徑傍湖開
明府乘春結駟來
花借河陽經雨放
柳分彭澤帶春栽
當窻一樹鳴黃鳥
倚水孤亭上綠苔
傳說品題辭絕妙
巴音寧敢和仙才

爲紫峽山人畫扇

朱朴 三見

寒松復蒼翠秋色已黃落
峽口紫烟銷停琴看飛瀑

山中懷遠人

嵇天用客齊

空山闐寂兮無人
麋鹿猿狖兮成群
風瑟瑟兮自起
泉滴滴兮相聞
晨光發兮出日
夕色暝兮歸雲

獨悵悵兮登陟渺予懷兮思君

上巳日紫峽山人席上用韻

三月三日天氣新杏花飛簾散餘春但將醅酌酬
佳節何用浮名絆此身城外青山如屋裏東家蝴蝶
蝶過西鄰一年好景君須記能解閒行有幾人

仲春望日予爲社主諸公有不赴者因取杜

句繼以唐宋人句集詩九律各志所感奉寄

蘿石隱翁 石門秀師 朴居柱史 南野

上舍 勾溪外史 西臯太守 海村麾使

石林上人

詩不錄

紫峽隱士居峽川

諸公衮衮登臺省東老雖貧樂有餘嶺樹重遮千
里目故人那惜一行書藤花萎地香猶在穀雨乾
時手自鋤聞說小齋多野意白雲閒釣五溪魚

重陽紫峽山人席上用韻

三年幾赴滄洲約九日重登紫峽堂菜圃瓜畦饒
歲計山籬野屋帶秋光黃花待客含青葢白髮多
情戀玉觴正是村庄香稻熟家家糕餌作重陽

過沈紫峽淳朴園

陳鑑 三見

高人各園裏長作閉門居
林菓賣青李盤餐烹白
魚寄興時扶杖安心惟著書
相看總頭白不使故
情踈

寄紫峽

風竹雨窻山鳥啼
山人卜居山下谿釣綵長向白
鷗理詩囊更爲青山携
野水落花天上下間雲細
草路東西有時適意出門去
一笑六峰春日低

紫峽扇面

晏坐六峰山兩歇蒼崖翠木溜寒泉
自磨西崦青苔石記取幽人入谷年

紫峽至得孫名應賓

溪上君來洗瓦盆
白頭喜色動柴門
叔孫勝敵嘗名子
老我留賓却得孫

過淳朴園

兩山蒼蒼風日妍
杖藜不來今幾年
白雲卧病道自長
黃花向人秋可憐
閉戶常回俗士駕
爲園但著養生篇
壯懷拂拭床頭劍
與爾同登萬里船

和紫峽偶興韻

南華焚香讀已過
姦葉閉門閒有餘
了我江山晚秋興
半壺新酒菊花初

哭紫峽社友

東海聞消息西來爲哭君
青山是何日白首喪斯文
春草空牽夢冥鴻忽斷群
竟無高尚伴寂寞兩峰雲

其二

病卧雙厓底書囚四十年
市塵無屐跡齋榻有僧

緣高士憑誰傳幽居過客憐
平生交誼盡西淚夕陽邊

其三

往歲論文夜翻爲永訣時
山中遺舊宅海內誦新詩
抱甕自甘拙負苓人莫知
高梧在堂下棲鳳看孫枝

訪紫峽山人

法聚 再見

艤棹南湖月上扉兩峯寒色入
秋微十年雲樹今池館千古烟霞
此布衣抱病久知心獨遠神交還

憶夢成非杖藜莫謂相隨晚碧眼青山道未違

人日寄紫峽

明 秀 三見

此日溪邊開草堂把盃應自惜年芳文詞踈廢久
貧病山水遙憐各老蒼弄色柳條迎野席破晴梅
蕊近禪床春風來往四十載芳草白雲幽思長

九日與紫峽登高

海門潮落露平沙遠樹殘陽集暮鴉絕頂偶同今
日興寒枝仍着去年花山川險阻悲王粲天地踈
狂憶孟嘉欲向孤峯發長嘯恐驚林外野人家

紫峽園居夜話

病身應自惜長日不開門石榻樽前夜篝燈夢裏
言風烟憐節序梅柳動江村此地非淳朴如何得
避喧

過沈紫峽園亭

抱道園居病五年尋常起坐萬書前驚看白髮搔
仍短數問黃花瘦可憐滄海孤舟移落日紫薇高
榻卧秋烟祇今強健重携手把酒青峰錦石邊

閒居漫興和紫峽韻

白日出書讀未了作災不願黃金餘開門高竹只
數箇秋水生涼過雨初

哭沈天用先生

唐 俞 再見

紫峽山下草青青白鳥江空冷舊盟流水落花愁
送雨曲闌深竹懶聞鶯杖藜無復山中事詩卷長
留海內名日暮山陽數聲笛渚風高月不勝情